



滋溪文彙卷第十九

不碑誌十三

有元旌表孝行劉君墓碣銘

君諱成字瑞卿姓劉氏國初由汴徙家燕君年二十

喪其父事其祖父母克盡孝養祖父母卒奉其母氏

益恭於是孝行聞京師故翰林承旨劉公賡以重德

雅望久在朝著搢紳推服遠與君同里聞熟君之行

登名于朝議是之禮部符下表其門曰孝行云延

祐五年正月也是時天子方以孝治天下而劉公年

已七十為國耆老其父孝靖公年九十餘而隱公年  
天子重其高年數遣使即其家賜以幣帛酒醴一時  
敬老興化之意誠太平之盛典也故劉公一言而君  
遂承旌命海內聞之有不興起者歟禮曰司徒養耆  
老以致孝詎不信夫君焉人溫厚慈祥治生以奉旨  
甘寒暑晨昏不懈也居喪如禮買地為塋域以葬其  
親及宗族之未葬者撫其弟慶友愛尤篤同居共庖  
不間于人言治家節約資用有餘輒施與其親族朋  
友之貧者人由是益稱君賢蓋不獨孝友于其家又

能推所有以及于人也君享年六十有一以至治元  
年正月二十三日卒葬大興縣燕臺鄉海玉莊其孤  
子屬太史保章氏齊克明狀君行來請銘余于君未  
之前識也向在詞林嘗侍承旨劉公而保章則同門  
友也因不固辭而為之書君祖信妣韓氏父德祿妣  
蘇氏娶張氏子男一人敬祖讀書不仕嗚呼自昔京  
師俗稱浩穰強宗富室多輕俠橫恣甚則武斷以亂  
吏治而劉君獨能以孝行旌其宅里茲其可銘也夫  
銘曰翼之神京風化攸興自遠伊邇罔或不承溫

劉君允修子職不耀其章好是懿德彼都人士冠蓋如雲篤其天倫孰無父弔念茲孝友尚其作則表銘君阡車過者式

元故尚醫竇君墓碣銘

方技之學古人所慎重也故醫非三世不服其藥聖人著之禮經以示後世蓋傳業貴欲其精用物貴欲其熟豈漫焉嘗試者乎真定竇氏以醫術著名百餘年矣至君曰名益顯君諱行冲和卿其字也世祖皇帝在位既久一時在俊悉被任用聞郡國有

名能藝術者亦遣使徵之親詢其人以察其所學而其人非真有所能則亦不敢應也當是時光祿大夫許公國楨領尚書醫事以君名聞即日被徵既至入見便殿賜對稱旨命為尚醫京師之人無貧富貴賤請之輒往遇疾輒已人德報之則曰天寔生之未必盡出吾術也會皇孫梁王開國雲南詔選尚醫從行近臣以君應詔賜以衣表鞍馬君先時名籍隸樞府至是改隸尚醫又錫璽書護其家俾永蠲其徭役焉雲南去京師西南萬里風土氣候與中國殊王既居

之而無所苦蓋君調護之力居多久之君以親老求  
還其鄉王不忍違厚其禮而歸之君居鄉里學醫者  
多 靈師其說疾之尤難起者須君為之君察其表裏虛  
寔寒熱用所宜藥莫不奇中立効蓋君少嘗講授詩  
書孔孟之說故於醫經方書獨得其大原大本非若  
世人取効一方一法而無所通也君年既高遂厭世  
事買地郡城之東闢為小圃築亭于中周植嘉樹偕  
其好友婆婆娑嬉遊怡然忘其年之老也集賢學士盧  
公摯時方貳憲燕南表其亭曰靜深中朝碩士咸詠

詠訶焉君以至大二年六月十七日卒享年七十有  
七葬真定縣新市鄉三家里西原考大栗母某氏娶  
高氏繼左氏子男四人曰仁曰宗曰禮曰智女二人  
適平原縣尹張惟哲聊城縣主簿張明孫男五人君  
既以醫顯名諸子皆世其業最知名初用薦者補  
御藥院掌藥累遷廣平路官醫提舉既葬君之二十  
有五年祭偕國子監典簿郭質求銘其墓天爵昔者  
嘗讀覃懷許文正公遺書有曰近世論醫有主河間  
劉氏者有主易州張氏者張氏用藥依準四時陰陽

而增損之正內經四氣調神之義醫不知此妄行也  
劉氏用藥務在推陳致新不使少有佛鬱正造化新  
新不停之義醫不知此無術也然主張氏者或未盡  
其妙則瞑眩之劑終莫<sup>敢</sup>投失幾後時而不救者多矣  
主劉氏者或未悉其蘊則劫効目前陰損正氣遺禍  
于後日者亦多矣能用二家之長而無所弊其庶幾  
乎按劉氏諱守真精通素問有名金大定明昌間既  
死其學無傳張氏諱元素博極經方然自漢以下惟  
以張<sup>機</sup>王叔和孫思邈錢乙為得其傳遂以其學授

李杲明之明之授羅天益謙甫明之國初有盛名嘗  
著傷寒會要諸書行于世謙甫亦著內經類編兩人  
者皆家真定君蓋及見謙甫盡得明之書讀之而  
有發焉故其醫業過人如此嗚呼天下之事未有無  
所師承而能名世者也豈惟醫哉銘曰  
維古方技民生係也上焉十全下者泥也不有哲師  
業孰繼也為方者宗播利惠也君讀其書善藥劑也  
疾者神之若龜契也名聞天庭光顯喇也歸休雍容  
進者礪也相彼函工慎厥菑也矧醫活人澤後裔也

勒銘貞珉永無替也鄭蘇蘇也張醫者入朝道出河間以疾止命  
至元六年予自維揚被召入朝道出河間以疾止命  
醫視疾得王彥澤氏問詢其家世之自彥澤言曰吾  
王氏家河間數世矣皆以醫業相傳至先考教授府  
君而名益著疾者請之輒往貧則惠之以藥來遠近求  
藥者踵門賴生全者衆府君為人慈祥而孝友尤善  
事親晨夕躬奉甘旨以致其養平生樂趨人之急宗  
族飢寒者歲時濟之不戢子弟孤幼者皆教養之居

鄉黨事長者盡其禮撫幼者中乎節每儒服持謁必  
館于家苟有所求亦周給之故鄉社之人愛而敬之  
既沒而猶思焉嘗訓彥澤等曰比見世人以治疾取  
財居藥致富鮮克能久汝曹當以為戒郡守廉知行  
義欲表于朝府君辭曰吾盡吾心而已豈干譽以為  
是耶彥澤又曰昔金大定間鄉郡有良醫劉氏完素  
能起危疾名傾朝野累召不起賜號高尚先生兵後  
子孫皆亡而所著書幸在先世嘗因劉氏遺書以治  
其術府君曰不可使劉氏之學無所傳也即其故居

作新祠宇旦望率醫者謁之庶幾瞻拜儀形講習論  
著益廣其傳以活斯人焉府君之沒今十餘年得公  
一言以表于墓則其行義庶不泯沒矣予嘉彥澤之  
志謹論次之按府君諱宗字伯川初為保定路醫學  
正遷衢州路教授再擢河間路教授享年六十有一  
以天曆元年三月十三日卒葬郡城西南三里祖諱  
珮妣某氏考諱璧前至元中授河間路管醫都管勾  
妣某氏生子曰仁河南道按察司書史曰誠滄州官  
醫提領次府君也娶某氏子男三人長彥澤由中山

府醫學正遷晉州教授次彥直彥修孫男四人丕度  
丕進丕遠丕輔府君之叔父諱鼎生子曰弼曰讓曰  
義誠之子彥叔弼之子彥洪彥忠義之子彥濟彥深  
諸孫丕衍丞承丕顯丕明丕俊嗚呼聖賢之道大矣  
其散為百家九流亦有可觀者焉嘗考夫劉氏言之  
曰醫教當本乎五運六氣世之醫者由未知陰陽變  
化之道失其意者多矣乃著運氣要者以明其經藥  
證宣明論以證其方玄機病原式以辨其誤大抵皆  
祖素問而為言也其用功精深造術淵奧而王氏父



祖子孫居同里閉討論遺書風聲習尚蓋有默契者  
焉故其尊崇景仰若此然則縫掖之徒于吾聖人之  
教當何如也是歲龍集庚申辰春二月戊子嘉議大  
夫江北淮東道肅政廉訪使新除樞密院判官蘇天  
爵述

李遵道墓誌銘

君諱士行字遵道姓李氏故集賢大學士薊文簡公  
之子聰敏過人少從文簡公官吳越及見故國遺老  
而吳興趙孟頫漁陽鮮于公樞則又朝夕從學者也

故其詩詩字畫悉有前輩風致于時公卿大臣喜尚  
吏能不桀儒士君年壯無所遇乃遊名山從釋氏學  
究竟大有所悟久之娛意翰墨泛舟江湖見疎篁老  
木斷渚崩崖輒推蓬艤棹臨觀游衍心與境會愉  
然而樂其樂也

仁廟在御崇尚苑文近臣以君名薦遣使召之君以  
所函大明宮圖入見上嘉其能命中書與五品官偕  
集賢侍讀商公琦同在近列文簡公歸老維揚特命  
君為泗州守侍行再調知黃岩州時郡久旱君禱于

寒坑輒兩歲用豐稔省撤錄囚閩中歲餘方歸適接  
部者至郡務為苛刻君不樂移疾去聞文皇潛藩在  
建業善接納文士將往見焉行至上元縣界卒年四  
十七天曆元年六月一日也葬江都縣某鄉某原君  
母王氏薊國夫人娶王氏淞東僉憲某之女子男希  
閔温州永嘉尉女淑賢適承務郎同知諸暨州事吉  
獲君卒之十三年希閔請銘其墓我國家治平既久  
當有奇材異人出瑞斯世然卒弗克振耀者可勝數  
哉君為詩清遠蕭散函品尤高亦足以名世矣銘曰

矯李君志廣而材充既無所過于世乃游戲翰墨  
以寫其心曾欲超然于物外而志不與俗同蓋自古  
異才奇士高世則難合絕俗則多窮故聞君之終世  
皆惋悵而哀恫我述銘詩于以表君之幽宮

元故鄱陽程君墓誌銘

江東程氏皆祖忠壯公靈洗忠莊公仕南朝有功於  
歙人祠之水旱疾疫禱焉故子孫蔓衍至今君諱  
傑字世英其先由歙徙樂平故宋時有諱中行者官  
于鄱陽因家邑之霍溪傳三世為蘄州司法應淳登

進士第有聲君曾大父應爰司法之兄也大父萬里  
述論語大學中庸說傳家塾父在以易中鄉貢進士  
選值宋亡不仕君資薦實為學精勤思不墜其父祖  
業年未壯時有司以其家著版驛傳內附之初教令  
未洽吏房緣為姦其家困苦弗能支轉徙江淮君既  
長奉親還鄉里身任戶役而無所缺吏亦不敢橫有  
需求其親安焉久之先業寢復宗族稱其材君事親  
孝暫出而歸亦必入謁親疾躬奉藥餌疾愈乃已親  
歿哀毀骨立喪葬如禮母弟居淮之棧陽歲疫與妻

俱亡子無所依君教育于家不異已子饒之名士若  
故進士吳君存今鑑書博士周君伯琦望重一時君  
節衣食致禮幣命其子往受業焉且言為學當明經  
訓不當專尚文詞交朋友盡信義賓客過門命觴具  
饌不計家有無人有急難竭力赴之鄉鄰鬪者得君  
一言各解去不復詣有司嘗衝寒雨暮歸聞有醉墮  
塗泥者即令從者舁歸飲以湯藥達旦方甦泣謝而  
去君平生行義類此晚樂鵲山密邇先墓有林泉之  
勝築室居之表以悅山之號焉君生于前至元十四

年丁丑正月二十五日卒于仍改至元之五年己卯  
四月二十九日享年六十有三葬先墓之側娶同邑  
李氏子男二長與權大都路儒學錄次章饒州路醫  
學錄女二長適吳政次適劉貞孫男二蘭生天次祖  
慶孫女二初君命與權游京師因博士周君館于余  
家已而御史薦其名春官擢其材奉中書省檄造雅  
樂禮器于江南而遭君喪至正癸未子叅湖廣省政  
與<sup>權</sup>挈舟千里來請銘昔宋季年江東多文學節義之  
士若尚書湯公漢提刑謝公枋得皆風裁凜凜不可厲

庸俗聞其風而興者寧無人歟銘曰  
維古尚行無易由言匪事枝葉貴有本原世教漸微  
風習斯靡化俗達材始于君子大江之東英豪如雲  
卓哉程君尚其知聞瞻彼鵠山原隰孔厚表其行義  
以厲爾後  
揚府君墓誌銘  
君姓楊氏諱宗伯字禮卿故宋贈朝奉大夫渙之曾  
孫迪功郎淮西制置司幹辦官友義之孫國朝白虎  
洞書院教諭師盤之子其先自華陰徙蜀朝奉之長

子友直由太學釋褐累遷知德慶府蔚有華問學者  
辨曰傲齋先生樂東南廬阜山水奉親家焉故今為  
南康路建昌州人教諭六子君最居長方其幼時祖  
母李孺人極鍾愛能言教之讀書凡先世遺訓皆使  
知之既就外傳進退言動悉有矩度可觀鄉先生亟  
稱之成童即任幹蠱衝冒寒暑奔走險難雖甚勞苦  
而未嘗幾微見于言色當是時江南初內附我國家  
新令未洽官吏征歛竝緣為姦民頗苦之君年尚少  
已能應門公私辦給皆具俾父母安于所養而不知

知官府之擾考府君興教來歸不樂進取卜新安里  
居之築室以障風雨墾田以菽禾稼皆君心計指授  
居家孝友親有疾拜醫求藥必嘗而後進親喪致哀  
葬祭求合乎禮建塾延師以教諸子君恒誨之曰吾  
揚氏本漢太尉遺胄父祖以清節著名吾兄弟當夙  
夜績學以讀詩書之澤諸弟賴君之教皆卓然自立  
族人或有喪弗克舉乃具棺以葬之子孫幼而孤者  
男則教之學女則擇所歸焉近舍有澗溪之水君伐  
木為舟楫往來者不病涉也歲庚午江淮大旱君賣

田買粟賑救其宗族次及隣里故能不至于飢餓流  
亡蓋君天性好施非矯飾以干譽也廣東元帥府聞  
君行義檄授惠州合光寨巡徼官不果上君以新安  
之居秋隘遷隆造里構堂名曰積慶日從親舊觴詠  
娛樂其心休然享年六十有八以至元三年二月  
十五日卒妻熊氏郡名士與文之女勤約以相夫子  
後君一年卒享年七十有一君母熊氏外祖天瑞家  
名進士官請安縣丞子男玄貞女適謝謨丞相方  
叔四世孫君諸弟宗仁宗德以高年深德表號處士

宗侃三傑以文藝宏敏並為學官宗侃調上高縣麻  
塘巡檢三傑擢淮東宣閫掾由嘗授徒建業臺臣御  
史稱薦其才天爵亦及識之玄貞將以某年月日葬  
君于某鄉某原故三傑狀其行來請銘嗚呼自周元  
公居潯陽倡明聖賢之學朱文公守南康講道于白  
鹿洞于是環廬阜左右士皆以洙泗濂洛為宗而李  
燔敬子呂燾德昭周謨舜弼蔡念成元思胡泳伯量  
相繼而作流風遺俗迄今尚存做齋先生晚登朱子  
之門與敬子德昭諸公相友遺文數十卷藏于家其

田買粟賑救其宗族次及隣里故能不至于飢餓流  
亡蓋君天性好施非矯飾以干譽也廣東元帥府聞  
君行義檄授惠州合光寨巡徼官不果上君以新安  
之居秋隘遷隆造里構堂名曰積慶日從親舊觴詠  
娛樂其心休然享年六十有八以至元八年二月  
十五日卒妻熊氏郡名士與文之女勤約以相夫子  
後君一年卒享年七十有一君母熊氏外祖天瑞家  
名進士官請安縣丞子男玄貞女適謝謨丞相方  
叔四世孫君諸弟宗仁宗德以高年深德表號處士

宗侃三傑以文藝宏敏立為學官宗侃調上高縣麻

以學業三傑因亦作以學業  
為隆等以弟試文詞優者  
為中送疑了脫字

嘗授徒建業臺臣御  
貞將以其年月日葬  
來請銘嗚呼自周元  
人公守南康講道于白  
以洙泗濂洛為宗而李

福江洞陶字洞作洞按字  
少石洞此而身此洞字疑誤

思胡泳伯量  
生晚登朱子  
卷藏于家其

昆季朱子接于見聞觀感而化考君之修身制行若  
此則家學世德之淵懿其亦有所本歟予故不辭而  
為之銘云曰 淵懿其亦有所本歟予故不辭而  
有美揚君悃悞無華幸修其身益大厥家宗族鄉閭  
推其孝友一門雍容禮俗孔厚大江之濱匡廬我  
昔有君子樂爾絃歌詩書之化無遠不被流風百年  
家範猶美爰有貞石刻此銘詩嗟哉里人尚克式之  
房山賈君墓碣銘  
進士賈彛述其先伯父之行來請曰吾家涿之房山

世習詩書伯父有政事材而弗克壽伯母守節以終  
其身今既合葬願得銘文表諸墓天爵自幼往來燕  
趙間每見縉紳故家才子賢孫奮其所能欲效于世  
而閨門之中亦家貞順有禮此國家承平俗化之美  
非一旦一夕所能致也若賈氏者其可徵哉君諱和  
字仲禮金進士伏翼縣丞景山之孫故處士德全之  
子君資簡重少游鄉校日誦書數咸通其誼初著版  
籍鷹房總管府時中原甫之江左未下朝廷嘗因畋  
狩以閱武功鷹師府至威若神明或旁緣為姦而下



不<sup>勝</sup>膝其虐矣君間爲其官長言國家肇基百戰始得  
中土蒐畋閱武奉以服未服豈宜病民若是乎鷹師  
嘉君廉謹命司其府錢穀君出納有方久之別籍採  
石提舉司當宮城肇建欄檻陞礎輿梁池臺悉資玉  
石供億浩穰主者莫能支辟君掌其文書事集而工  
不擾至元十四年四月君以疾卒年二十八識者哀  
之大德元年四月葬房山抱玉鄉栗原先堂娶田氏  
無子君平時田氏年二十餘誓不他適屏去簪珥遂  
著女道士服深居不出凡四十年族人時遺蔬米以

飲食之天曆元年二月卒年七十一至元二年二月  
君子諸姪始舉田氏之柩合祔君墓仍以一人奉君  
祀初處士娶康氏生子四人而君長子<sup>也</sup>焉次曰閏曰  
璞曰壤閏之子仲良仲恭璞之子伯儉壤之子叔讓  
季常彛仲良之子懋伯儉之子誠壤終宣德府教授  
彛以至順元年賜同進士出身官將仕郎太常太祝  
誠好義有聞奉君祀者季常也按賈氏系出晉康叔  
虞唐長江主簿島以詩名世居涿州范陽金大定末  
分范陽爲萬寧縣明昌二年又名奉先國初始改房

山島墓今在縣境君其苗裔耶銘曰  
猗哉賈君才可大受天畀其年人又奚咎九原無憾  
繇媿有人操其節義蓄德於身瞻彼西山有石如玉  
琢此銘詩永表貞俗

處士賈君墓表

至順元年三月

天子策士於庭房山賈彞賜同進士出身或曰是惟  
詩禮故家世載隱德者也未幾彞以奉常太祝丁內  
艱免喪調官新樂其父卒乃命猶子誠來告曰彞幼

學於家庭始忝科名欲以為親榮不幸復罹大故苟  
無文字表章先德後將無以鏡考是則彞所懼也謹  
稽門生任亭祚所述狀而為之書君少聰警過人弱  
冠聞容城劉公因以理學淑多士偕其兄往從焉公  
愛其兄弟性靜而樂學命其兄名曰璞字抱真君名  
曰壤字巢夫盖所以期待者非淺淺也久之學若有  
得隱處州閭以奉其親旨甘滫瀡孝養克備親疾躬  
省藥餌憂形於色親沒哀經歛殯遵古喪制兄亡撫  
諸姪盡恩義教之讀書皆克樹立君綜理家務一髮

不以自私建祠堂以奉神主割美田以供祭祀敷教  
於家遠近學徒恒百餘人君懇懇為陳經義大抵祖  
述劉公之訓為多學者寒饑或不能存又從而振給  
之繪孔子像旦望帥里人祠之蓋欲一鄉興起為善  
之心焉與朋友期風雨寒暑未嘗後至為文渾厚質  
寔不尚華靡一時翕然推重初用薦者授涿州學正  
再調宣德府教授皆漠如也翰林承旨郭公貫國子  
祭酒崔公詠燕南廉訪使趙公晟以君才可教胄子  
俱嘗薦名于朝不報至元元年乙亥八月二日卒君

世涿州房山人曾大考金尚醫某祖考貞祐三年進  
士伏翼縣丞景山考處士君德全母康氏娶焦氏早  
卒繼趙氏子男叔讓提領金玉府採石山場季常司  
石局庫次即彝也今翰林國史院編修官女適焦仲  
平張世傑趙大本劉某孫男某君享年七十有四葬  
房山抱玉鄉粟原先兆昔者劉公以高節絕學師表  
當世海內之士聞而興者豈無其人矧親承其學踵  
其高尚若君者歟宜有銘以表諸墓銘曰  
幽燕山川鬱奇崛士氣感慨多奮烈偉哉容城古豪

傑作訓其徒勵名節若冠有綏玉有珖百世考德載  
貞碣

故梧州幕府王長卿墓誌銘

君諱士元字長卿其為人儀觀魁梧倜儻有大志少  
好讀書通玄象及先天之學又善行草表其號曰白  
襴居士士亦多從之游君設論風生賓客滿座聽之  
終日不厭年二十餘慨然思樹功名於世當將為遠遊  
以廣其見聞遂涉關陝西至巴蜀南抵六詔覽觀山  
河之雄壯其志愈振而不少衰鎮蠻宣尉都元帥奇

其才辟署為掾君忽不樂棄之去叙州諸部宣撫使  
聞其名復羅致之不敢以曹屬御之也君喜以為知  
已因留居焉叙州僻在遐荒蠻民甫定事多無法君  
稍為之疏櫛滯務衆口咸譽之由是聲名益盛雲南  
行臺御史薦君為之佐遠方征戍軍士歲有衣糧之  
給朝廷慮或侵漁常命御史察之時永昌軍士當給  
積年鹽米若干偶御史缺負命君代行有司不敢為  
姦軍士大和洞蠻歹難作亂行省平章以其事聞尋  
授君將仕佐郎范施路軍民總管經歷大德元年正

月也龍江驛者西天緬國塗所經焉或請合於騰衝府而山路崎嶇三百餘里馬不能馳絡繹死於道民甚苦之君請復置驛於其所行省是其說仍檄土官修治之為經久計雲南左丞尤以君為可用擢置掾曹檄至蒞施而軍民固請留之竟不果行大理金齒及鎮南諸蠻更相讎殺招諭者數不聽或以君薦遂往諭之彼皆交歡如初行省上其勞君感瘴癘移疾出六詔遨遊潼梓諸山久之泛江至鄂謀歸其鄉而湖廣省臣有知其才者援例調梧州幕府適思播洞

民及羊溪苗梗邊遣人諭之不止衆以君熟邊事遂檄君往至則陳禍福以動之彼亦無事未幾君至蒼梧卒焉王氏世為河南洛陽人君曾伯祖膺仕於金以資善大夫汾州等處提刑使卒官所遂家於汾曾祖貞司天監保章大夫祖炳業儒以金政亂不克仕父權國初歷林石二州教授妣任氏有子五人君其長也生於歲之壬子卒於至大戊申享年五十有六歸葬西河縣慶雲鄉洪哲里娶劉氏三子某某前君卒璽後君三月生今治進士業君母弟士毅仕至奉

議大夫湘鄉知州兼勸農事以至正三年六月卒於  
江南其子翰林國史院檢閱官稷將與璽扶柩北歸  
遣其弟楫來請曰伯考平生抱負奇才欲以自見竟  
賣志以沒惟公哀而銘之某昔貳春官考第國子而  
稷中選重其家世學行之偉故與之銘銘曰  
王君卓犖早負奇遊觀蜀漢窮滇池材名傾動西南  
夷荷旃被毳髻作椎操刀相讐殺為嬉聞君一言洞  
弗疑不勞征戰興兵師君罹瘴癘志不衰亦思百代  
休聲垂欲知君材訂銘詩

元故奉訓大夫昭功萬戶府知事馬君墓碣銘  
馬氏本雍古部族金季有為鳳翔兵馬判官死節者  
子孫因以為氏君諱祖謙字元德故禮部尚書贈推  
忠宣力翊運功臣正議大夫僉樞密院事梁郡忠懿  
侯諱月合乃之曾孫行尚書省左右司郎中贈嘉議  
大夫吏部尚書梁郡侯諱世昌之孫朝列大夫同知  
漳州路總管府事贈中奉大夫河南江北等處行中  
書省叅知政事梁郡公諱潤之第六子資政大夫御  
史中丞贈摠忠宣憲協正功臣河南江北等處行中

書省右丞魏郡文貞公祖常之弟也君賦質清美異於常兒少入鄉校日記數百言踰冠從文貞公來京師補國子員是時朝廷方尚文學太史齊公履謙入爲司業請改學制以積分法試諸生庶幾士知向學而人材出矣詔從其請久之君試中選授承事郎同知保德州事州居萬山之中事多苟簡君持身以廉奉法惟謹未幾吏始知畏民亦知勸而同列共稱其才焉或謂君官卑祿薄而能盡心其職他時必當貴顯君曰吾聞先儒有言一命之士苟存心於愛物於

人必有所濟豈覲異日之富貴乎滿考調監保定東鹿縣君曰庶可行吾志矣於是興學訓農以勵其民民訟至庭一言而決胥吏無故不敢輒入鄉社民深德之部使者按臨至邑民老幼數百爭言其賢使者以其狀聞尋召爲昭功萬戶府知事民間其去共請留之不報復以財物爲贖曰君在官無毫髮侵漁我民故以是爲贖君再三諭而却之至元二年十一月十八日君以疾卒得年四十有二積階奉訓大母楊氏封梁郡夫人生母李氏贈開封郡君娶童氏封開

封縣君無子一女適某以先祖烈之子惠子爲後今  
濠州鐘離尉君卒之明年四月二十七日莫光州桐  
鄉阡梁公墓北一里惠子請文以表其墓維馬氏世  
著勞烈於國至文貞公以文學益大其家宗族子弟  
悉教育之俾克有立積分貢舉連中其科惜乎君之  
不壽弗克顯於世也銘曰

維馬有氏肇自先公捐損身國難慶流於宗衣冠相承  
世濟其美尚書之孫梁公之子佐郡監邑烈烈有聲  
天胡爾嗇獨隕其生詩書之澤相爾宗族爰載世官

來者其勗

萬億綺源庫知事郝君墓誌銘

君姓郝氏諱伯魯氏字希曾其父道寧以詩書教授  
鄉里學者常至百人今吏部侍郎郭公戶部主事左  
君尤著名者也君少傳父學起家藥城縣教諭遷固  
安州學政爲守令者重之爲諸生者敬之間居京師  
詩酒自娛卓越豪縱或以奇士目之會朝廷崇儒術  
熟吏弊詔學官未調者悉補百司吏君以才擢戶部  
史轉太醫院出官將仕佐郎萬億綺源庫知事年五



十三泰定元年十一日某日卒妻李氏無子君操守  
嚴謹戶部綺源掌天下錢穀簿書出納一毫無所私  
其卒也郭公經紀其喪合諸友之賻授其弟某以是  
月某日歸葬君真定縣常山里先塋銘曰  
時須其材而命不偶又將誰咎

來清真品

滋溪文藁卷第二十

七碑誌十四

甲子皇元贈通議大夫翰林直學士上輕車都尉崇

宣揚外陽郡侯鄭公神道碑銘并序

至政六年三月某甲子朝列大夫冀州戶騎都尉崇  
陽郡伯鄭公進封通議大夫翰林直學士上輕車都  
尉崇陽郡侯其子既焚黃告祀家廟又將勒銘表諸  
幽阡於以發公潛德彰朝廷之寵光覆被子孫於無  
斁乃屬天爵為之辭維鄭氏真定冀州棗強人家世

以才武著顯我國家初入中原命太師國王招集豪傑戡定未下城邑公世父義帥其鄉人來歸累官龍虎衛上將軍元州兵馬都元帥公之考甫亦以戰功遷同知冀州節度使事兼管民萬戶昆弟子孫爲統軍元帥萬夫長者十餘人千夫百夫長者又十餘人宣尉使御史郎官守令者二十餘人門閥之貴推次甲乙近代所未有也公諱澧爲同知節度之第十七子惟節使有子十九人公性高潔雅不樂仕曰供仕固榮矣祖宗墳墓其誰與守乃營別墅棗強之永川

里務躬行實履絕去世俗華靡之習課家人治耕桑蓄畜牧伏臘以供祀事衣食既有餘饒推之以周宗親次及鄉鄰之貧者鄭氏族大且盛或貧乏鬻其世分田者公贖而還其人責我償也饑者分粟以活之男女未室者給資粒以嫁之死不能殮者槨之蓋以恤災解紛爲心未嘗懈也每思祖考俱有勞烈於國樹立豐碑紀述成績慮有風雨剝裂之憂構華屋以覆之又築室於先墓之側以待展省之至者焉其居家也恒以孝友睦其昆弟春秋浸高衣冠尊肅動

履康寧一話一言皆可為法歲時子孫來謁車騎之  
盛朱紫之華列拜廷下公難以家世崇高為榮復以  
富貴滿盈為惧戒之子孫以先世驍勇發身忠義報  
國汝宜奮勵勿墜先訓邑有孔子廟公兄元帥宣靖  
公勅所建歲久傾圮公一新之俾士有所受業事至  
孝甘旨克盡其養事兄能順田園志推讓之及卒室無  
餘財惟祭器圖書而已宗族隣里之人始而愛久而  
化既歿而猶思焉公享年七十有八至順二年八月  
十有八日卒九月十有八日馬葬棗強之南留焉原元

配劉氏事舅姑以恭相君子無違德享年八十有六  
後至元三年八月某日卒合祔公墓累封滎陽郡夫  
人子男三人曰鄆曰郭曰郊女二人適張氏王氏孫  
男十人敦復至臨由願素履攜謙允升其四人幼鄆  
以世家子宿衛內廷出官從仕郎開城路總管府判  
官歷陝西行省管勾鄜州同知武衛經歷進朝列大  
夫知同州入提舉備用庫出知慶陽府陝西行省理  
問遷奉元路總管積階通議大夫國家之制凡由宿  
衛官某方者始終不離其地惟闕輔聽中書注擬他

省則三歲一遣官調之鄱官關中既久臺憲屢表廉  
能蓋其慈祥愷悌之政皆公孝弟忠信所由化也故  
推恩之典上賁于公諸孫皆入成均爲胄子敦復以  
侍儀舍人擢山東憲掾今官從仕郎太常太祝嗚呼  
公躬行於家而人化於里非有過人之才克若是乎  
使公登用於時其官勲必與昆季相埒無疑也公既  
弗欲顯聞奈何使之湮晦而無所傳乎是宜有銘以  
著于世銘曰

維古名族德澤深長才子賢孫奕世蕃昌生長食息  
不離典訓在家在邦允著令聞冀有鄭氏聿爲名門  
昆季衆多其盛如雲桓桓將軍侃侃御史郎官守令  
冠蓋盈里公生其間獨樂靜嘉持身孔嚴悃愾無華  
夙夜奉親旨甘畢具顧瞻立隴雖老猶慕家有餘饒  
惠我宗親匪維宗親施及鄉隣孝友恂恂是亦爲政  
尚燾爾後克嗣其慶我銘公墓匪表其私吁嗟里人  
過者是思

皇元封奉議大夫鉛山知州驍騎尉涇陽縣子  
張府君墓碑

海溪文集卷之十  
四  
至政甲申余遷官西臺覽河山之高深省風土之敦  
厚意其必有豪傑之才高尚之節可以為世楷範而  
士農之衆亦必有孝友信義可以興起俗化者也焉  
未幾南臺御史張侯以先世遺事來請曰敬之祖父  
以好義聞蓋上承曾祖之志下薰我後人以化其鄉  
閭者也今將樹碑墓道願為文以表之昔余佐中臺  
幕府侯方為掾繼遷掌故蓋交游厚善考其先世遺  
事曾祖墓碣集賢學士蕭公所作祖父埋銘  
太子贊善同公述也二公皆昭代碩儒闕輔高士顧

余敢附其後乎已而赴召入朝侯亦持節按行四川  
六詔及余忝預江浙省政侯又適長幕府復以墓碑  
為請乃為之文曰奉元路之北若干里龍橋鎮者張  
氏家焉其地本屬耀州之三原縣職方氏以三原邑  
小不足以域民龍橋市并縣衙故遷縣治居焉君諱  
德明字顏明賦性淳質其為人廉靖忠厚少學詩書  
言動悉遵執度篤於養親未嘗暫離左右或勸之仕  
則曰富貴非不欲也若舍吾親遠遊甘旨將誰致乎  
初張氏在金以醫術為業至若考則曰醫人命所係

蓋重事也吾以中人之資豈可易爲之哉當國家戡  
定之初原野方闢加以雍土肥沃乃帥家人治農務  
歲連大穰家用饒裕遂大振施於人久之以孝義名  
一方蕭徵君所以表其墓也及君代理家政尤輕財  
好義曰此吾親宿昔之志吾朝夕恒懼不克繼之有  
張澤者因屢昏嫁假貸於君積負甚夥君憐其貧一  
不責償取其券焚之邑人李和雲陽李仁皆爲隸於  
人其家欲得錢縱之爲民間君尚義輒往請焉君哀  
矜其人以私錢數千緡昇之仍爲經紀其家是其書

於同公埋銘者特一二事其他不及書者尚多有之  
推君之心蓋本乎惻隱濟之以惠利非期欲人之知  
亦非覲人之見德也君嘗曰今海宇承平年穀豐足  
若鄉校不脩則無以興治化師道不崇則無由識禮  
義乃倡縣侯買地建夫子廟及學舍門廡而締構像  
設之費出於君所施者居十之五遠近觀感爭遣子  
弟就學讀書習禮以變其俗君教子孫極嚴必擇賢  
師良友與之游處使知古人爲己之學故修身泣政  
肅然有法蓋君之治家勤以中節儉而合禮祭祀盡

孝燕享致豐誠以接人敬以持己鄉邦無賢愚悉推  
為君子長者君春秋既高以子貴封奉議大夫鉉山  
知州驍騎尉涇陽縣子是日宗族閭里咸來致賀子  
孫以次奉觴獻壽遠近觀者以為榮享年七十有九  
以至治二年二月二十七日終於所居正寢配李氏  
先十二年卒贈涇陽縣君柔順恭恪克修內事歲五  
月十有七日合縣君之喪葬于縣之常平鄉悌友村  
先兆君祖諱順考諱貴祖妣馬氏妣孟氏楊氏白氏  
氏君白氏出也子男世英同知鐵州軍民事世昌敦

武校尉脫思麻路新附軍上千戶佩金符累贈中順  
大夫兵部侍郎上騎都尉清河郡伯世傑承務郎同  
知松潘客蠻威茂等處軍民安撫事佩金虎符終奉  
議大夫同知河州路總管府事世榮承務郎僉海北  
廣東道肅政廉訪司事終繕工司丞孫男曰信曰儻  
世英子也信中政院管民提領曰儼曰敬世昌子也  
儼由奉政大夫嶺北湖南道肅政廉訪副使遷江浙  
行中書省左右司郎中曰佶曰侃世傑子也曰  
佖世榮子也習進士業貢于鄉信之子履陝西行臺

掾儼之子晉微之子恒升曰王諒朱安仁女之夫也  
曰段珪李溫李居仁黎思恭楊敏王炳段永貞宋德  
新孫女之夫也嗚呼古子君子施而不求其報三原  
張氏自孝義君樂分施而恥積藏至奉議君克紹先  
志惠及鄉邑子孫昆季列宦風紀遂爲搢紳聞族然  
則感應之理益可徵乎銘曰  
闕輔之右風土高厚惟人之生克孝而友有美張氏  
世以義聞施與其親惠及鄉鄰矜身于家康寧豈弟  
施于孫子益大以侈摠戎邊閩執法憲臺輝光日新

福祿鼎來世有鄙夫多藏厚積遺及後人鮮有弗失  
積而能散其心孔仁已弗求報天福善人鄉有碩儒  
埋銘燁燁揭文豐碑永示來慕

元故兩浙運司浦東場監司丞楊君墓誌銘

君諱居義字子宜姓楊氏故中書叅知政事居寬從  
兄弟也其先由華陰徙汴宋宣和間有諱絢者司易  
州儀曹事城陷死之贈朝請大夫其子邦基擢金天  
眷二年進士第以文苑擅名官秘書監既老拜通奉  
大夫永定軍節度使生奉直大夫郊社署令皓皓生



法漢文獻卷之二十一  
八  
監高州酒<sup>稅</sup>度直度直生淵是為君考國初為百夫長  
卒官鐵冶提舉君少負奇氣南游江淮當路者以故  
家子薦之然所司者不過米鹽之細巡邏之勞君念  
母孫夫久年高急于祿養在官皆舉其職未嘗以為  
卑也及佐定海始得治民而監尹皆缺歲仍大饑民  
多徙死君撫諭有方又值倭人作亂火城市殺吏民  
帥府命君供儲時事集而民不擾賊平衆皆推君才  
可大用而君老矣君素貧事母至孝嘗承省檄當如  
京師傍徨不忍去母曰汝既委身從仕勿以吾為念

也君不得已北行比還母以天年卒君終身以為痛  
焉君貌魁梧美鬚髯清白廉靖蓋家法也晚歲刻意  
讀史歷考古今治亂得失談說如在目前嘗曰吾少  
罹多故今勉強問學寧戚所謂老而學者不猶愈于  
生致怠惰乎君初娶李氏蕙中士族繼室沈氏子男  
曰昱卒於福建道廣訪書吏曰旭由中臺察院掾為  
浙西道憲司照磨其曰晟曰曇者陀姬出也女四汴  
人鐸<sup>吳</sup>王其莘縣徐某宛平張文魯其壻也孫男某  
君初起家常州酒使歷鎮江圖山巡檢嘉興海鹽尉

會陞海鹽爲州改建德淳安尉慶元路務副官進義  
副尉主定海簿遷進義校尉兩浙運司浦東場鹽司  
丞享年六十有五延祐元年八月朔日卒權殯丹徒  
汝山原楊氏自祕監始家燕嵩州府君占籍東昌莘  
縣別兆邑之西廣原旭將卜以至正某年某月某日  
葬君莘之先塋銘曰  
華陰之楊繇漢涉唐族姓蕃昌宋金百年時屢變遷  
世載衣冠君多子孫益大其系惟德之自歸葬于莘  
土厚俗敦銘詩不泯

大元贈朝列大夫祕書少監董府君墓碑銘  
朝列大夫御史臺都事董之用拜江北淮西道肅政  
廉訪副使將行來請曰先君少負奇氣思自奮拔喜  
讀孫吳兵法習騎射昔至元中丞相淮安忠武王總  
兵代宋收攬豪傑分任將佐或以先君名薦丞相與  
語奇之乃命將兵從行政城野戰躬冒矢石立功居  
多所過郡邑惟務輯綏未嘗妄殺一人賴以生者無  
慮萬計宋平北歸游優里社卒不言功于時先祖先  
伯父皆已卒祖母年高甘旨泔漚克盡孝養祖母既

終築廬墓傍啜粥飲水哭泣三年猶初喪也聞者嘉其孝卒喪事寡嫂有禮撫諸姪盡恩義衣服飲食不先己子田廬所入悉以歸嫂卒諸姪求分財異居凡屋之華好田之肥美者悉令諸姪取之乃前之用等曰吾地雖硤瘠屋雖弊漏我自安之汝兄弟輯睦有立勿憂家不肥也久之貲用益饒宗族朋友之貧者周之有差于是郡守邑宰咸高其行事多咨焉里閭李氏子或誣殺人獄具先君為辯其誣李氏子得不死殺之者亦獲此先君行事之用得于家庭見聞

不誣者也夫善積於躬不享其報委祉於後而獲顯榮宜表墓石昭示永久子嘗同官其為之銘按董氏河南洛陽人世有隱德君諱清字伯源昆弟三人曰深曰溥君子次為第三曾大父洪業家洛之北邙山壑懇田千畝積粟萬鍾遇凶歲輒施粟以賑鄉隣大父裕父歷名有才畧省府交辟辭不應深居自樂以終其身母葛氏娶牛氏子男三人大用君用之用女四人嬉適張誠婉適王課嬪適亭泰好適楊享孫男某某之用初擢南行臺掾歷蜀憲幕為樞密院都事遷

中書右司由工部郎中拜監察御史初贈君承事郎  
同知陝州事進奉直大夫禮部郎中飛騎尉洛陽縣  
男加贈朝列大夫秘書少監騎都尉隴西郡伯牛氏  
累贈至隴西郡君。享年八十有三。泰定四年八月  
二十六日卒。牛氏年五十八。大德二年九月初三日  
卒。合葬洛陽金谷鄉杜村原。銘曰

積厚者家流澤必廣。天道昭。報施不爽。偉歟董君  
早歲從戎。活人正殺。卒不言功。有行有年。又多孫子  
寵命載揚。華爾系梓維。洛北却古。墓寔多豐。功盛烈

樂石不磨。我述是詩。式表潛德。尚配昔人。垂示無極。

莘縣楊氏先塋碣銘

東昌莘縣楊氏其族有二故中書叅知政事居寬今  
江南湖北道肅政廉訪司知事景皆著姓也天爵昔  
官六察景為之佐愛其清慎而端雅今焉叅預鄂省  
景居憲幕蓋有斯文之好焉間來請曰景之上世譜  
軼于兵曾祖迄今凡六傳矣遭時承平朝野治安居  
者樂歲時之豐登仕者列官曹之清要又承寵命追  
崇考妣而塋兆封樹之固願求一言以為之表庶俾

子孫永久而弗忘也按景之曾祖諱善祐慈祥樂易  
不與物忤時以長者稱之配某氏祖諱寶初以勇果  
應募爲兵久之擢揚州管軍彈壓佩銀符英毅多謀  
身率士卒均其勞氏故部伍嚴整而不敢犯帥府推  
其才謂有古節士風配趙氏晚歲始生一子乃曰吾  
家有舊田廬先人之所遺也吾嗣守之不敢失墜今  
託先人遺體幸有一子苟無以教誨之他日何以能  
保先人遺業乎幸吾子有成則報國有日矣遂棄官  
歸以勤苦律其身以孝義行于家豈惟子孫化之而

鄉人亦皆矜式焉其所生子景之考也諱德早承父  
母之訓長則身任其家務周旋內外克慎以和曾次  
洞達與人交無宿怨值父母喪能致哀毀自奉淡泊  
惟務儉約有餘輒賑救其宗族閭里之貧者焉大德  
某年某月卒享年八十有四贈從仕郎丘縣尹配既  
氏至大某年某月卒享年七十有三追封宜人子男  
六人長敬趙州提控按牘致仕莘縣尉次清次平俱  
以孝弟力田稱次文應鄉貢進士舉次政仁虞總管  
府鷹房提領次景歷山東淮東憲史貢中臺察院授

將仕佐郎江東道廉訪知事進從仕郎轉官湖北孫  
男十七人敬之子伯元清之子伯享平之子伯崇伯  
顯文之子伯英伯傑伯貞伯安伯永政之子伯恭伯  
敬伯讓伯倫伯宜伯直景之子伯仁曾孫若干其人  
伯元之子二長曰國子伴讀遵古次曰遵禮楊氏塋  
兆在縣之第五鄉太傅保楊家里天爵既序其事復  
爲之銘曰

惟莘之郊九河所瀉河既南流是爲沃野楊氏來居  
有田有桑廬勤爾耕鋤樂爾詩書詩書業成贊畫風

紀寵命在門賁及宗梓疇昔楊氏顯于關西四世三  
公孰盛與夷浮陽清明時有消長表名于阡尚企其  
往

洛陽劉氏阡表

叅議樞密院事王君來請曰洛陽多衣冠世家典刑  
文獻有足徵者外舅劉氏亦令族也子孫欲述族世  
遺事表諸先墓吾嘗與子同官幸爲之文無讓按劉  
氏有仕金爲官軍教練使者譜逸於兵諱亡夫人魏  
氏生子慶昌皇有中夏爲深州管民總管時兵戈甫

定法制寬簡凡為郡十餘年而不他遷以故得盡設  
施無所牽制民獲受其賜焉歲乙卯三月卒年若干  
夫人馬氏遼中書令翼之裔孫其家以清白著故服  
用質素不喜華靡有田百畝命家人耕稼以供伏臘  
中統三年九月卒年七十九子男曰英曰堅女適中  
奉大夫陝西行省叅知政事趙彥澤堅字彥實性警  
敏讀書有立稍長不樂進取然其志常欲濟人急難  
見鄉隣貧者病疾不能致藥餌惕然傷之乃從名醫  
張仲文學久之傳其業疾者當病授藥而不責其報

賴以生全者眾至元十三年三月卒年三十七以子  
貴贈奉訓大夫河南行中書省左右司郎中飛騎尉  
閔鄉縣男其配閔鄉縣君謝氏年方盛也貞靜自守  
躬為蠶織以給衣食窮苦益久而無變志事孀姑備  
孝養勵諸子以學諸子亦能以藝自奮初縣君考卒  
無子為具棺槨葬之母喪明無所歸迎養于家卒祔  
其考之墓鄉閭以孝稱焉延祐元年七月卒年七十  
三子男德泉將仕佐郎濟南等處管民副提舉在官  
以廉慎聞居家則溫然馴行君子也次德淵御史薦

其才擢河南山南憲史言南士浮薄不宜任風紀郡  
縣水旱宜蠲公田賦入以裕民江陵築堤防有司苟  
緣為利可罷其上荆湖宣慰使恃貴馳狗馬蹂田稼  
可禁其獵廷議善其言多施行之進掾甘肅四川行  
省累遷奉訓大夫知陝州事次德源掾江陵宣慰司  
卒女適儒士步懋德泉娶李氏繼賀氏一子曰藹女  
適王敬方叅議君也封洛陽郡君次適鄭彥舉德淵  
娶王氏閩鄉縣君二子曰蕙卒曰蘊調官永寧尉女  
適李彥禎德源娶張氏繼趙氏二子曰芳曰蔚劉氏

初為順德人葬邢臺東小張村原蓋以賢雄其鄉金  
之季年教練使始家於洛卒葬北邙山金谷之陽子  
孫以其次為兆葬焉天爵居京師三十餘年四方之  
士仕於朝者蓋及識之洛陽多儒先名公流風遺俗  
猶有存者郡人漸被其化才賢輩出若叅議君則尤  
知名于時者也故因請表劉氏先墓推本其鄉郡之  
懿而為之銘銘曰

維洛自昔多巨族衣冠接武振遺俗隆。劉宗世業  
篤教練有子司郡牧郎中活人慎擇術積行累善榮



以祿諸孫孝廉<sup>盡</sup>則爾葬有吉壤邱山麓表石著銘  
來世告

元故承務郎真定等路諸色人匠府總管關君  
墓碑銘

君諱德聚字敬夫姓關氏世為真定新樂人戶版隸  
高唐王府王進封趙戶仍隸之君貌魁梧性調儻負  
其才能欲顯于時數侍趙王往來漠北王念其勞命  
同知真定等路諸色人匠總管府事凡王之貢賦出  
納戶數登耗皆司之君勤於職守居數月以父喪去

官奉母甚篤甘旨無所缺鄉隣共稱其孝久之趙王  
復<sup>薦</sup>君於朝中書以聞

天子乃降璽書陞為其府總管階官承務郎君益修  
職弗懈歲餘以養母辭歸晨昏定省得母之歡心享  
年四十以至正二年九月二日卒關氏世葬新樂長  
壽鄉西明村之原不知幾昭穆矣由君之祖別卜塋  
兆于先墓西南一里君從葬焉曾祖通妣武氏祖珍  
妣李氏父政妣孟氏田氏三世積善于鄉有田數千  
畝歲收萬鐘儉于自奉裕于濟人比歲螟蝗水旱五

穀不登民有饑色朝廷聞而憐之輒出楮幣遣使者分行賑救民猶不足又命有司勸大家富民出所有以佐之而關氏施粟者數矣環君所居百里之內民乏食者相帥有所假貸君不務取厚利惟以活人爲心故人咸懷其惠聞君之亡多傷悼焉君娶賈氏繼張氏劉氏張氏子男曰博亦以趙王命同知其府事卓然有立女長適王某次許適劉某李某初新樂關氏宗族甚盛其後散居真定靈壽行唐曲陽之境有諱山者幼爲金人所俘襲爲謀克謀者世掌軍旅

之官有諱碧者國初以百夫長戍潁州其孫曰玉終豪城尹曾孫思義從太保劉公起朝儀擢侍儀引進使累僉江東建康道肅政廉訪司事使曲陽之族也獨君父祖世守墳墓不去至君始以才能入官既葬之八年博偕君之表弟河東憲掾范思誠求銘墓碑予以鄉黨之故爲之銘曰  
自昔居官多惠愛奚間中朝與流外偉歎關君志慷慨屢發蓋藏佐振貸歲值凶荒人有賴豈第君子神所眷慶澤淵人當未艾石著銘章示方來

易州李氏角山阡表

承德郎僉河北河南道肅政廉訪司事李英當泰定  
丁卯春二月某甲子葬其先世十餘喪於易州易縣  
碧玉鄉角山之陽又十有五年爲至正辛巳英來請  
曰維李氏陳州商水人歲壬辰天兵克汴詔徙河南  
之民實河北郡縣先曾祖挈其家僑易州歲乙未始  
占驛傳戶版時國家設都和林中外之事由驛傳以達  
而號令傳布遷於星火曾祖遂遷於涿以遷事焉既終藁  
殞于涿之野吾祖以材幹充驛官卒亦殞于涿而曾

祖妣妣祖伯父叔母諸弟之喪或在易州或在固安  
弗克族葬英時雖少念之輒痛心疾首稍長試吏憲  
府求升斗祿以養親及調河東先考妣相繼卒憲長  
憐其貧爲賙鈔若干緡始克載其喪歸買地爲兆定  
昭楊之次自曾祖以下爲之具衣衾棺槨而葬之周  
以垣墉樹之松柏庶幾祖考體魄安于斯歟英承世  
遺澤忝列風紀考之令甲得立石表于其阡執事幸  
賜之銘俾子孫知李氏遷徙之所由兆域之所始也  
天爵向官西曹英掾丞相府見其進趨雍容器識深

遠其行周其操廉及拜御史又見其言事切直不避  
權貴心愛重之故因其請而不辭按英之曾祖諱誠  
幼長兵間艱苦百至卒年若干配楊氏執夫之喪哭  
泣喪明卒年八十二次馮氏性嚴謹事楊氏如姑卒  
年七十生二子長仲義次仲信義即英之祖也字敬  
之讀書有政事材而不克顯其為驛官御象有法涿  
當西南孔道使者絡繹供帳輿馬調發倉卒皆具卒  
時年未四十人咸惜之先娶涿郡王氏既生子榮則  
卒繼室固安范氏年方三十而寡家貧姑老紡績織

緝以供衣食歲時祀享其嚴撫育三子榮德祿輝恩  
恩愛均一人或不知其為異母也卒年五十七德祿  
字受甫為人溫厚慈祥事母甚孝母疾湯藥嘗而後  
進起居扶持夙夜無少懈也居家治生一錢不以自  
私待昆季尤篤兄嘗醉怒云、跪而聽之弗離也弟  
或酗酒亦不與校愈加敬愛久之昆季雍睦里閭舉  
以為法焉嘗訓英曰我幼喪親失學汝當勸書自勵  
於是貸錢買書以遺其子、亦卓然有立其後就養  
河東卒年六十遺命勿作佛事初贈承直郎禮部員

外郎再贈奉議大夫太常禮儀院判官驍騎尉追封  
易縣子配陳氏卒年五十八追封易縣君子男英也  
榮無子輝一子閏早卒仲信娶王氏三子德秀德裕  
德孚德裕之子質也英由丞相掾為戶部主事調宣  
政院都事又改南行臺御史未行就遷經歷擢戶部員  
外郎遂拜御史初英遭親喪獨護靈車北還歷太行  
之險涉滹沱淵冰之危而皆無虞卒能改卜宅兆以  
終大事君子賢之銘曰  
維昔先王保民多方生有所養死有所藏曰墓大夫

職其禁令丘封地域咸位於正古制既微或薄其親  
棄捐中野心焉弗仁孝哉李氏葬克以禮角山之阡  
有穹無圯

元贈中順大夫中山知府郭府君墓表

君諱聚姓郭氏世為汴之陽武人早喪父不克推奉  
其世母陳氏年方少艾擔守節義雖父母不能奪其  
志君貧自力于衣食君既成人河南兵亂已不能家  
乃負母逃難嘗遇兵士憐其志而遣之轉客河北因  
占籍于中山無極龍泉里時中州新去兵難君治生

養其母甘旨無闕供里人共推其孝唐山縣尹程公以女妻君裝送資賄甚盛程氏賣之買田宅君日治田疇程氏勤于蚕績風雨寒暑無少懈也久之遂以貨雄里中君喜施與歲饑鄰里或乏食不能自存輒出粟以周之或婚喪有所假貸亦與之其人或不能償見君有愧色君以好言撫之歲久悉焚其券鄉人皆曰郭氏其有陰德矣初君命諸子習技藝既而悔曰是豈所以立身揚名者歟乃延鄉先生于家塾教誨諸子以及鄉人願學者季子明德給事樞府將從

軍征日本道過其家里人危之來語君曰是役必乘舟浮海前歲軍士能生還者幾人君盍止之君召明德

曰為人親者皆欲子之侍膝下顧汝有諸兄以事我汝能委身報國是吾志也君母陳氏卒年九十有七君自陽武遷其父柩合葬龍泉之新塋君于至元三十一年六十四而卒遂從葬焉以程氏附鄉人赴者餘千人皆有戚容程氏先君六年六十九而卒三子曰成曰潤曰明德潤安肅州稅務使明德少中大天同僉樞密院事二女適黎某張某孫男七人弘

穀弘剛擇善擇仁擇義元珪元璋女五人適某。曾  
孫男女十五人元珪累官亞中大夫廣平路總管推  
恩贈君中順大夫中山知府上輕車都尉追封太原  
郡伯程氏贈太原郡君將伐石表君之墓乃以文來  
請嗚呼古者之民鄉田同井出入相友守望相助疾  
病相扶持其親睦之情為何如哉後世井田之法既  
廢不幸民罹水旱之災而常平之粟猶或足以爲養  
國初海內治平法制未備其鰥寡孤獨凶荒饑饉之  
人獨賴一時好義之家發其蓋藏以惠活之若郭君

者宜其子孫甚大光顯之若此也然自君之沒五十  
餘年無極之長老有識君者與其里人嘗賴君以爲  
生者往。念之不能忘也歲月既久壯者日老。者  
漸亡幼者或不能知其詳故爲之表以告其後人焉





成宗皇帝元貞之初錢塘林公堅至自江左近臣導  
之入覲遂得列于宿衛治饗事焉公儀貌秀異言論  
慷慨美鬚髯見者偉之出入宮禁恭慎不懈稍以能  
自著大德初朝廷乃命以官授進義副尉常湖茶園  
副提舉三年陞同提舉公規畫有方課以時集茶戶  
歲貢有常有司又復役之皆以為苦公聞于朝即蠲  
其役考滿復歸內庭執事如故至大初從行在上都  
賜見于水精殿有旨命掌中宮饗事尋授徵事郎中  
政院司議贊畫事宜不亟不徐多中冓縈本院掾曹

官長近幸以者多循故習辟用私人公請于曹掾擇  
而用之庶幾得人眾從其議前後擢用十餘輩果皆  
清慎有聞其後多至大官若內臺中丞何公約亦其  
一也久之公以父年八十乞歸養不許命賜鈔五十  
定以為旨甘之奉焉尋陞承直郎中政院斷事官公  
用刑惟務寬平或有<sup>翰</sup>問則第以情求之初不事榜  
掠也嘗侍  
上幸奉宸庫偶於暗中得一帛囊不知為何物也持  
至上前發而視之皆大珠也

上嘉其不欺賜黃金寶裝束帶一帛五十疋鈔二百  
定中宮錢穀多出東南領于江浙財賦歲以逋負者  
夥公奉命徵理得鈔若干萬定糧若干萬石

仁皇念公久侍禁中進公為司農丞又改都水少監  
命未下以父喪去官服除會真時中此節備言首合

上以聖壽萬定寺

世皇神御殿所在當領祠官以奉祀享有旨立壽福  
院擢公判官階承德郎寺有先朝賜田若干頃主者  
多為姦利欺隱公乘傳徧走幾旬按籍求之盡復其

舊延祐之季以疾在告無何致仕南歸公為人慈祥  
豈第人有急難亟投救之嘗奉使上京之潮河民有  
為勢家妄占為奴者二百餘戶泣訴于公歸言于朝  
皆復民之及官茶司茶戶有與民相仇者先賄其吏  
而後以私茶誣民覲不得解公察其寃力與同列爭  
辨卒明民無他抵茶戶誣告者罪又嘗奉旨監製茶  
品于閩前為使者指以尚食需索多端民不勝擾公  
以廉自律復為戢其撓政者民甚安之頌其美于石  
有士奠其親茶山之傍地實民產而惡少素與士有

隙構詞典訟公數實直之嗚呼公存心忠厚若此是  
皆因事可見者特一二焉惜乎終于禁庭之職掌不  
而不克盡其所施設也公字仲實宋建炎初由光州  
徙家錢唐祖某閭門宣贊舍人妣王氏封碩人父昌  
以公貴贈奉議大夫嘉興路崇德州知州驍騎尉華  
亭縣子妣黃氏追封華亭縣君初歲在丙子左丞董  
公從丞相淮王<sup>安</sup>以兵抵抗官民相繼請見公時猶未  
成童從親偕來進退安雅儼若成人董公見而奇之  
留置左右頃之董公分兵取閩載戰艦入海公偕衆

別乘一舟從之會風濤大作其舟將覆董公亟命人  
救援得公其舟竟覆及班師北還公請歸省左丞憐  
其志許之道出泗州遇淮水大漲登浮圖避之凡三  
日不得食水退方歸聞者異焉及歸老于家日惟故  
舊相為娛樂與其兄承事郎江浙理問所知事皇第  
承務郎唐州管民提舉實克盡友愛親族貧寒者多  
周給之教子嚴甚雖盛夏亦具冠衣端坐家庭之間  
肅如也公享年七十有二以元統二年正月六日卒  
娶顏氏陳氏丁氏鄧氏丁氏封華亭縣君子男四鎰

將以公廕入官鏞由國子員補侍儀舍人鉉尚乘寺  
奏差鑑未仕女五兵部尚書賈忽里台集慶路總管  
李完澤禿松江府金山巡檢袁珙王其楊某其婿也  
孫男九女二復號至元之二年四月壬午葬公嘉興  
縣柿林鄉日新原鏞與天爵有成均同游之好故請  
銘公之墓余不得辭銘曰異志入朝之七日始  
昔在至元南北一統羣材斯興克致其用惟時林公  
童稚甚奇應對進趨溫其儀入侍禁廷小心謹教  
日從太官恭進玉食春秋扈行三十餘年進官五品

循序以遷居之裕如是亦有命子孫繩克嗣其慶  
柿林之原實爲公藏表銘貞石鄉井之光

元故建昌州判官蘇君墓碣銘

蘇氏居趙郡藥城者唐宰相味道之裔也五季之亂  
始分處隣邦故常山之境諱今蘇氏爲最稽其世出  
皆本藥城君諱恒字德常其先由藥城徙高邑至其  
祖又徙元氏今爲真定元氏人曾祖諱彞金太中大  
夫安武軍節度使祖諱順不仕考諱禧仕縣邑爲堯  
庫官君起家建昌路知事主吉州永豐簿隆興路錄

事判官建昌州判官至大間封贈制行授奉議大夫  
駝騎尉彙城縣子夫人王氏封彙城縣太君子男三  
人善政杭州路教授次允迪次克恭廣元路學正孫  
男十人禎奉議大夫司農丞祉進義副尉左衛率府  
百戶禎國學弟子員祐祚祺祿祥裕禮未仕君蚤從  
翰林李公治學詩書孔孟之說及仕郡縣務以惠愛  
元：為本初佐建昌府幕謹簿書出納約束胥吏俾  
不敢為姦及貳永豐訟至即決遣之無留者久之民  
畏其判斷不敢犯法邑接嶼洞其人時出為梗民以

為病鎮將請調兵殲之君曰彼豈無良心耶如諭之  
不從兵未晚也即單騎深入諭以國家德澤深厚法  
制寬簡降者未始即誅何為陸梁自取滅亡也酋長  
感泣帥其党數千人求為平民政警既聞流尸來歸  
者又千餘家悉闢荒田以存活之滿代北歸邑民刻  
石以頌其美再調隆興建昌皆辭疾不行春秋既高  
優游里社日從樵夫野老嘯歌息偃於樽席之側既  
受寵命鄉閭益以為榮延祐五年某月某日卒享年  
八十有七莫元氏縣神品鄉輔村原諸孫以狀來請

銘余先出世亦藥城也故爲之銘曰君之性  
世之仕者官無崇卑功誠在民父母思矧活于人  
必有封賞彼蒼者天報施不爽既康而壽多子多孫  
勒銘墓石悠久長存  
故贈奉訓大夫同知中山府事何君墓碣銘  
何氏世居河南登封縣蕘陽川韓家里國初著籍  
真定靈壽縣其葬真定縣原頭村者何君考全始妣  
崔氏君生貧家稍長營什百以養親久之資用饒益  
親老諸弟求分財異居君不能已中分之居無何諸

弟亡其貲獨君完富如初後召諸弟與居君治生有  
法務儉約以身先之凡治屋室必朴固曰是以待風  
雨也飲食服用必澁薄曰是以御寒饑也遇凶歲輒  
出粟以活其親族隣里之貧者家人化之皆率君教  
無違而其貲至今不衰君諱柱字清甫享年五十有  
九以大德丁未十一月十七日卒娶陳氏三子水道  
安道先道女適蘇某孫男三人某佑孫女四人安  
道由章佩監知事容城縣尹擢掾中書出爲河南行  
中書省左右司都事調山北京畿道廣教總管府判

官遷奉訓大夫知深州事於是得追榮其父母先贈  
君承務郎大興縣尹再贈奉訓大夫同知中山府事  
飛騎尉靈壽縣男毋恭人陳氏贈靈壽縣君安道之  
妻蘇氏天爵之女弟也從封靈壽縣君故安道以君  
行事來徵銘之曰不才之孫封之奉訓大夫同知中山府  
維何受氏肇自姬出萬封韓原胄本唐叔變韓爲何  
厥音孔訛彌漢涉唐顯者實多君弱而良獨困窮窶  
以養以承靡懈寒暑爰菲我食爰薄我衣匪儉以固  
周貧振饑天相厥德萬生子孫仲也服官克顯其親

寵命有光官封郡縣刻詩墓門積善者勸

有元贈奉訓大夫禮部郎中左君墓碣銘

泰定紀元之歲下詔萬方凡由吏出官者復舊制內  
外官封贈其祖考有差從仕郎拱衛直都指揮使司  
經歷左煥遷奉訓大夫戶部主事制贈其考居實奉  
訓大夫禮部郎中飛騎尉真定縣男毋張氏真定縣  
君煥述君族世行事屬里人蘇氏爵叙而銘之左氏  
世爲河間人曾祖逸其諱祖義仕金官承直郎同知  
清州防禦使事四子季諱信習進士業貞祐變擾寓

居原武金亡徙真定當是時丞相史忠武王開府真  
定得承制官人命參謀長公羅金遺士信出入長公  
門下講說經史荐其友張君舉。金時中律科累擢  
尚書省掾至是授真定檢法官信終其身不仕妣楚  
氏名字彥實資謹厚學律令於張君張君喜其通敏  
以女歸焉戊午歲補真定府吏處議皆當于法郡中  
稱其廉平中統四年調河間監運司官勾未幾以親  
老謝去親歿獨養其兄。詆譖豪縱數破其產君一  
無間言事之彌薦鄉閭以此多之至大二年夏五月

廿六日君以疾卒年七十三後七年張氏卒年七十  
八三子炳不仕煥由山東憲司書吏至中書掾以廉  
能稱今中尚監丞炤萬億廣源庫吏墓在真定縣新  
市鄉西陽村銘曰

在昔漢帝任吏以治酷烈為聲或隕其世孰若循良  
藹如春陽國用寧壹民斯樂康於惟左君廉平佐理  
天報之豐貴以其子爰錫寵命下賁幽墟咨爾法家  
監此銘書

百夫長賈君壽堂銘



橐城賈君德成字誠甫其才器落不凡少嘗從軍  
樞府慨然欲樹功名于世遭時承平不克展布久之  
樞臣惜其才憐其志署以文書辟長百夫又數年辭  
歸予先世田廬墳墓在真定之北滋水之陽君恒經  
紀之人不敢犯君一日買石作壽堂于其先人墓側  
鄉長老訝之君曰死生亦常理又何疑哉堂成之日  
乃至正七年二月九日也親戚共持酒食勞之君大  
喜痛飲連日復屬予銘之君父諱致母蘇氏先祖兵  
部尚書郡侯之女先考叅知政事郡公之妹天爵之

姑也故君於予爲兄賈氏世葬橐城崇福鄉牛家里  
宗族甚大君行第十二妻楊氏生子昌元昌善長女  
適侍儀舍人蘇昌言次許適楊氏孫男吾安餘幼銘

曰

惟死與生猶晝之夜能知其故斯爲達者偉哉賈君  
負才抱竒生作玄堂棄世如遺堂以石爲是欲不朽  
道若可樂室亦何有生世後歿無所歸視君之志  
尚其幾希

金鄉劉氏阡表

泰定丙寅秋金鄉劉君以其子官于朝封從仕郎金鄉縣尹既受命令其昆弟長幼而告之曰昔吾祖考當兵戈流離之中保有厥緒積德垂慶以遺我後人俾至今日吾何能有哉先考嘗語吾曰劉氏自宋金以來遷徙靡常塋域亦莫究其處可卜陽山古兆自汝祖始俾吾後世皆從葬焉大德己亥始克奉祖考而安厝之繚以垣墉樹之嘉木考諸禮制又得立石表于其所予以光昭先德於無窮開示子孫俾知其所自庶幾盡吾心焉爾乃走書京師命其子持中奉

狀屬史官蘇天爵筆其事云謹按劉氏徐州豐縣人也歲久譜亡不能遠本其世宋靖康間始遷金鄉楊徐里金有中夏務休兵息民故劉氏族大以蕃田疇第舍甲里中至貞祐時金人徙都汴河朔倣擾劉氏之族皆逃難解散祖府君諱恩雖偕衆避地他所然桑梓之感心獨未嘗忘也國朝既滅金郡縣甫定瘡痍之民稍來集歲庚子府君始達鄉里而田廬悉爲豪家所有遂徙居邑之陽山里因占籍焉後以壽終配某氏生子曰義早孤貧不能家長出贅于張

海溪文集卷三  
氏張氏家羨於財而無子獨能謹事婦翁其後婦翁  
既有子矣分與田宅而居之以孝弟力田稱至元十  
二年卒其配張氏時年方盛深居獨處能以禮節自  
持訓其諸孤使皆有立家益厚完于前時三子長曰  
信縣尹君也次曰侃次曰偉興國路學正縣尹君忠  
厚孝友不樂進取喜施與諸子宦學於外者悉資給  
之築室延師以教其邑人子弟壽考康寧享有寵命  
閭里以爲榮子男三人持敬持中俱補國學弟子員  
持恭濮州教授侃之子一人持敏偉之子三人某

某諸孫十餘人初持中肄業國學有聲荐充學錄遷  
太史院校書郎擢御史臺掾今儒林郎江南浙西道  
肅政廉訪司經歷清介有守棘、不阿余聞昔之君  
子於其親也生則致其養焉歿則卜其宅兆而嚴事  
之蓋孝子慈孫所以厚於其先者也觀劉君之行若  
是則其子孫之昌大有以也夫故爲之表而銘之銘

曰

陽山之下有封偃斧伊誰云藏劉氏考祖念昔考祖  
游罹兵凶顛沛艱阨克紹其宗儲善在躬弗耀于世

天厚其門以昌來裔祇承寵命擁笏魏巾慶流沛沛  
彌日而新疇克致茲實荷先德顧瞻立壠式表貞刻  
子孫至止眎此銘詩尚其勗哉祖考是思

彭城郡耿夫人墓誌銘

彭城郡君耿氏濟寧金鄉人朝列大夫秘書少監騎  
都尉彭城郡伯劉公之夫人僉江南湖北道肅政廉  
訪司事持中大名錄事持恭之母也始年二十歸于  
劉氏逮事其姑性嚴肅治家有法夫人能適其意  
及主內事夙績烹飪課責諸婦一如姑之誨已而家

道益隆諸子宦學于外者夫人不以愛弛于教而皆  
勗其有立持中升朝為太史院校書郎祕監推恩授  
金鄉縣尹夫人從封宜人持中由浙西憲司經歷累  
拜監察御史祕監進知單州夫人封金鄉縣君<sub>造</sub>持  
中僉憲淮西則有郡君之命至元五年己卯夫人七  
十有九以其年三月某日卒于家父諱某母某氏子  
男四人長某次持中持恭幼某孫男二人擴攜皆補  
國子員孫女三人長適苗勃然亦國子員餘幼曾孫  
男二日蒙曰某將以是歲六月某日葬夫人于金鄉

縣金山鄉里陽山天爵與持中游雅厚嘗述劉氏先墓碑  
習聞其族世舊矣故爲之銘曰  
閨門之教由本于內維昔君子式慎其配猗嗟夫人  
間則無瑕養姑教子克善厥家生享榮封壽登鮑背  
銘此淑德昭示千載

甄母墓誌銘

無極甄克敏述其母邢夫人之行來請曰吾母生有  
淑質稍長習女功孝事父母既笄適先君子吾甄氏  
族大而盛歲時昏祭皆有禮節吾母周旋其間咸中

儀度承上御下能敬而惠蓋於孝經論語亦習知其  
說克敏之從從師學也苟有所需吾母悉資給之嘗誠  
克敏曰汝讀書學儒樹立于世勿廢墜先業吾見近  
世大家婦人愛子多不知教往、嬌逸以隕其家聲  
吾不忍使汝至是也夫力學在汝窮達有命汝其勗  
哉吾知吾多疾不克壽考及見汝之有立於世也汝  
能勿忘吾言吾雖死無憾矣吾母自至治二年忽感  
風疾綿延十餘年而卒比卒召克敏至前猶以讀書  
立身爲訓今而後思其言之爲可悲也吾母卒之明

年君子亦卒今將以吾母之喪合葬吾父之墓子其  
銘之天爵與克敏游雅厚又知其家世之美故與之  
銘夫人諱從正世居趙之平棘再徙真定曹曾祖彥  
容顯武將軍元帥右監軍祖義父真母賈氏外祖大  
亭朝散大夫真定河間等路宣課使夫人生十有七  
年歸甄氏是為尚書兵部郎中讓之曾孫婦戶部主  
事用之孫婦西蜀提刑按察司書史昌祖之婦河東  
憲司掌書恒之妻也既歸二十有六年：五十三至  
順二年三月二十日卒明年九月某日葬真定縣朱

俗里子男三人長克敏歲貢儒士次早天次霞童銘

曰

肅：閨門夫人來嬪相其夫君夙夜惟寅圖史具陳  
子也甚文刻銘幽珉尚永厥聞

甄德修墓碣

吾友甄德修之葬也翰林楊君俊民以書來唁曰德  
脩吾鄉後進之秀績學績文欲名立于世今不幸卒  
矣其生也曾無爵祿之榮其葬也可無文字乎賁其墓  
乎天爵聞其言而憾焉德修世為真定儒家六世祖

慶仕宋為武康軍節度掌書記生贈明威將軍騎都尉中山郡伯公亮公亮生金高州刺史讓生尚書戶部主事用生皇故處士昌祖昌祖生河憲司掌書恒恒生德修諱克敏少與楊君俱學于郭先生士文聰敏卓然不類童子家庭之內訓誨甚嚴時處士退隱於家聲聞四方一時名公鄉官燕南憲府君咸交處士德修待立左右聞見日廣處士既卒奉掌書及其母邢氏益盡孝謹深居一室羅列圖史凡先世隱德遺事采摭構緝惟恐或遺當代文詞可傳者咸筆錄

之部使者以其名薦當得河南憲司書史亦不果就年三十八至元二年乙亥六月辛亥朔以疾卒葬真定縣朱俗原所著述有詩文一編文林三十卷娶宋氏生男曰某嗚呼甚矣人材之難也夫以生賦清明之質當國家承平之盛本衣冠世族之懿習父師詩禮之傳方克有就德修既有可學之資遭逢治平有承家世義方之訓其學行進而未止意其且壽必能成其材振乎今而耀乎後孰謂不幸以死吁可悲已夫可悲已夫

元故贈長葛縣君張氏墓誌銘

武德將軍鎮守地饒襄陽萬戶府管軍中千戶所達魯  
花赤贈驍騎尉長葛縣子馬。其配長葛縣君張氏  
居黃州黃岡縣五峯山之南年若干來歸于公。哈  
兒柳温台氏世家朔漢莫父諱哈八禿國初從兵破汴  
始家許州之長葛公生將家以多力善射聞至元甲  
戌丞相淮安忠武王總兵伐宋一時材勇之士悉致  
麾下公與其選於是大兵由襄漢順流東下瀕江諸  
城或戰或守大抵弗能有所為矣公分將士卒戮力

戰陣數著勞效明年宋亡論功行賞受池州總把歸附  
之初新令未洽豪民潛擾鄉邑公撫治以嚴民賴以  
安久之朝廷以日本梗化不度出師征之公又在行由  
慶元汎舟入海凡七晝夜抵達可島去其國七十里  
潮沒盈涸不常舟弗能進乃縛艦為寨碇鉄靈山下  
命公守之八月一日夜半颶風大作波濤如山震撼  
擊撞舟壞且盡軍士號呼溺死海中如麻明日大帥  
命公先歸公由耽羅逾高麗渡遼水以趨京師遂歸  
于池其後累遷今官因以池為家焉至治元年某月



某日卒享年若干方南征時詔軍將各以其家從行  
故公自江上之戰縣君獲與之俱持身以嚴侍公以  
謹而飲食衣服之奉無少闕雖居軍伍之中憫其夫  
之勞苦未嘗以驚懼為辭及征日本大風之夕公方  
以王事為重奚恤其家而縣君獨在舟中身縮印章  
未嘗舍<sup>去</sup>及舟壞乃抱折櫂得達于岫是豈尋常者  
所能及哉其居家性質直不妄笑語安于素約而華  
靡奢麗皆無所好<sup>所好</sup>者<sup>所好</sup>盡績之事耳操持家務內外斬  
斬宗族無間言至元六年六月日卒享年八十有五

是月某日附葬公墓在池州之西湖山堂公凡五  
娶子男四人彥智傑武略將軍管軍中千戶所達魯  
花赤海廬承事郎同知許州事伯顏萬奴早逝女三  
人長適武德將軍管軍千戶所達魯花赤帖木兒次  
適不花次適買住孫男七人阿八赤延平沙縣尉哈  
睦那海治進士業哈刺台賜進士出身儒林郎漢陽  
府判官奧魯帖木兒昭信校尉管軍千戶所達魯花  
赤那可赤博洛亦習進士女八人適敦武校尉管軍  
百戶塔海不花忠顯校尉管軍千戶張節奉政大夫

靜寧州達魯花赤塔海帖木兒承信校尉烏程縣達  
魯花赤拜都將仕郎江州路錄事司達魯花赤道童  
忠翊校尉管軍千戶毛榮二在室縣君之考諱秦魯  
世業詩書為儒家故縣君教子孫嚴而有法初聖慶  
科舉詔下哈刺台甫十餘歲縣君呼而教之曰我昔  
居父母家歲時親戚小兒來者吾親必祝之曰長大  
作狀元自我為汝家婦恒在軍旅久不聞是言矣幸  
今朝廷開設貢舉汝能讀書登高科吾復何恨於是  
悉資給之俾從師授受業泰定三年策試進士哈刺台果

中第一人授同知徐州事歷監方城縣皆奉縣君就  
養日以居官清慎為教既歿之三年哈刺台傳父命  
以池人王南壽狀來請銘余讀詩小戎篇蓋秦之國  
人奉命西征其從役者之家人始則誇其車甲之盛  
然後思念及于君子說者謂以義興師雖婦人亦知  
勇於赴敵而無所怨今觀縣君之事其信然歟故為  
之銘曰

婦德之懿本于閨門無非無儀中饋是勤昔在至元  
征伐四國將校之家勇於赴敵風濤戰陣曾無震驚

知其夫不知有生義根於心能保其節刻銘貞石永著芳烈豈本千閨門無非無刺中爵其德昔五至天

之誠曰

德成其德無也

德成其德無也

德成其德無也

德成其德無也

德成其德無也

德成其德無也

滋溪文集卷第卅上

志行狀

西野然菴先生安君行狀

先生諱熙字敬仲姓安氏太原離君人也五世祖玠

金修武校尉高祖金廣以貨雄鄉閭買書萬餘卷曾

祖昇不母祖涵登經童第金亡徙山東愛真定風土

據焉歲歲成試辨選占儒籍以郡博士舉貳其學事

廣游子弟多出其門父怒齋先生松用名臣荐趨家

江淮轉運司知廉累遷建寧冷中平謝歸教授于家

母劉氏先生幼穎悟絕及在襁抱間已誦孝經五六  
歲時侍怒齋膝下隨目所觸怒齋出以詩句皆應口  
對蒲針歲終日儼然端坐一室博攷經籍晝誦夜思  
至忘寢食透通其大旨成童慨然有志於求道聞容  
城劉公以理學淑多士欲往從游以烏君叔備為先  
容劉公歿之將行會之劉公麻往拜其墓錄其遺書  
而還又聞南方禮樂斯文所遺老師宿儒尚有存者  
盍往觀焉行及中途以疾止始聞劉公之訃也先生  
與烏君書曰某欲見先生之心無須更忘先生欲教

之意亦甚厚豈意天喪斯文先生沒矣而今而後惟  
當問學親賢取友勉力孳孳死而後已庶可不負先  
生私淑之教朋友期望之心及某勉力大業之初志  
也國初有傳朱子四書集註至北方者滄南王公雅  
以辨博自負為說非之趙郡陳公獨喜其說增多至  
若干言及來為真定廉訪使出其書以示人先生懼  
焉為書以辨之其略曰道之大原出于天其傳在聖  
賢吾夫子既不得君師之位獨以列聖相傳者筆于  
經曾子傳之子思子思傳之孟子孟子沒而其傳泯

焉至濂溪夫子不由師傳默契道體建圖著書二程  
夫子擴而大之然後斯道復明至朱夫子以爲道之  
不明由說經者不足以得聖賢之意於是竭其精力  
作爲傳註以著明之至于一字未安一詞未脩必沈  
潛反復以求至當而後已故章句字義莫不理明詞  
順易知易行所以妙得古人本旨於數千載之上其  
開於天命之微人心之奧可謂極深研幾發其旨趣  
而無所遺矣獨以世衰道微俗生鄙儒膠於見聞安  
于陋習於朱子之說多不得其旨意而妄疑之甚或

不能知其句讀於其平日講學始終之致及所論著  
多未見之故其所說掣肘矛盾支離淺陋殊不近聖  
賢氣象原其本意蓋欲藉是以取名率然立論曾不  
知其爲害之甚也使其年益高於天下之理玩之益  
發必當益然悔其平日之爲而次之矣其後陳公果  
深悔而焚其書然後學者始服先生談經之精識見  
之卓而於朱子之學爲有功古禮廢久矣怒齋之遷  
居也先生贊左右之首建祠堂以奉四世神主冠昏  
喪祭一遵文公禮書奉之以愛敬明講而熟習合宜

而應節鄉人觀感而化者居多先生之教人也師道  
卓然科條纖悉皆有法度入學以居敬為本讀書以  
經術為先其講說也毫分縷析融會貫通俾學者如  
親聞聖賢之言心開目朗釋然無疑是時弟子去來  
者常至百人出入周旋咸有規矩望之知其為安氏  
弟子其間各以所學分教他邦仕為名卿才大夫者  
不可勝紀凡當世名公鉅儒經過宦游于真定者請  
問無虛日先生各隨所問而告之莫不虛往寔歸苟  
有饋遺而義不可受者輒謝却之故翰林韓山王公

以文章名中朝視先生之行也凡有制作必見示焉  
其為世所推重類此德同數以其行存于朝卒無所  
就先生亦介然不動其心故憲使中山王公侍儀趙  
君以禮幣延于家塾教諸子以及鄉人願學者居無  
何不幸以疾卒至太四年五月十五日也享年四十  
有二先娶張氏再娶焦氏皆有歸行左子壘垣壻二  
女宜順寧寧壘垣向學有立宜寧適汪氏壻與順寧  
皆天越六日歸葬藁城縣安仁鄉新理先塋之次鎮  
定之士咸哀惜之韓山以書唁恕齋云令嗣物故不

惟安民不幸吾道不幸也先生得歲豪邁中年涵  
養完粹氣和色溫事親在孝與弟煦極友愛一家取  
子况弟南為師友其學下以聖賢為師尤探乎六經  
語益嘗病近世治春秋者第知讀左氏不考正經因  
節左氏傳文議語論叙事始末依倣通鑑綱目作小字  
分注經說之下以類相從凡左氏游夸靡疾之語悉  
去之秦漢以來大儒先生之言及諸家之說可取者  
附注其後庶觀春秋者有以攷博讀左氏者亦知有  
經其大旨中以程朱為本以求聖賢之意絕筆于莊

公之十二年為文章以理為主皆有為而作詩學淵  
明晦翁第以吟咏性情陶寫造化而已有默菴文集  
十卷其他詩傳精要續皇極經世書四書精要考異  
丁亥詩註以來脫彙藏于家嗚呼昔者靖康之變中  
原文獻悉罄而南金有國百年士之為學不過記誦  
詞章而已其於性命道德之文何有哉矧貞祐哀亂  
之餘乎賴一二儒家傳其遺業俾吾道不絕如綫若  
先生之家是也先生天質之美力學之為使天假以  
年益充其所學則著書立言開示學者豈止於是而

已耶姑叙其梗槩以授暨垣俾求立言君子圖不朽  
焉謹狀至治二年三月丙子閃生蘇天爵狀入殿  
子純故昭文館大學士中奉大夫知太史院侍儀事  
隨章四趙文昭公行狀  
趙氏世爲蔚州靈狐人公大夫崑金元帥府評事以  
材勇聞父瑁始附國朝從太師國主平復積有功烈  
官至昭毅大將軍河北河南道提刑按察使由監中  
出家焉妣定國夫人楊氏有子十一人多知名而公  
最長諱秉溫字行直資端重不苟戲笑稍長從金進

士馮翼身學當是時世祿之家以侈靡相高獨公能  
敬讓以禮侃侃自持滋久愈謹華問彌著

世祖皇帝方居潛藩收召一時聞望之臣咨謀治道  
歲己酉帝在和林西公入見儀觀修整應對詳明帝  
異之命侍左右癸丑征大理甲寅征雲南己未濟江  
伐宋公皆從行中統元年帝即位命公與勝和政事  
李謀行右三部事稽考諸道工程稱旨三年詔擇吉  
土建兩都命公與太保劉公同相毘公用圖土山利  
形勢城郭經緯與夫祖社朝市之位經營制作之方



帝命有司稽圖赴功至元五年兩都咸賜名曰大  
都帝定都焉自上都巡狩居焉時國家以平戊平  
定海內五十餘年矣而公卿多武功有功之臣未遑  
及治四方來朝貢者禮尤簡賜太保奏起朝儀詔公  
及史公杠等十人共討論之又選近侍二百人肄習  
之公頗采古禮雜就金制度時所能行者摺之因餘  
帝臨觀焉大悅命立侍儀司拜公中順大夫禮部侍  
郎兼知侍儀事杠以下授官有差以平秋八月帝以  
生齒為天壽節諸侯羣臣咸朝公請行新禮既平明

設儀仗於崇天門內外東西鄉虎黃羽林弧弓撮矢  
陞戟左右教坊陳樂廷中於是

皇帝輦出房升御座謁者傳警雜人報時諸王后妃  
皇子公主以次奉賀通事舍人引百官班入丞相進  
酒教坊作樂成禮而退御史執法舉不如儀者有罰  
三品以上官宴饗殿上大作樂日哺也公始書而  
皇帝御輦還寢閣自是每元旦受朝賀冬至進曆月  
冊立公西中大夫兼領通事十人平拜嘉祥大夫  
皇后皇太子建國號上徽號宣大詔令諸國來朝合

行典禮皆公所論者也十年詔收天下圖籍立秘書  
監進公少中大夫兼少監事十九年拜嘉議大夫昭  
文館學士知太<sup>史</sup>院侍儀事未幾加大學士進階中奉  
大夫授時曆既行公奏以太子諭德李公謙校書郎  
楊公恒撰曆經曆議公以年老屢上章丐免宰相不  
可曰公天子近臣其去就非有司所敢議公入侍承  
間爲帝言帝良久曰卿視朕孰老公不敢復言二十  
九年公有疾始集侍儀司所行儀禮合爲一書獻之  
帝覽而稱善命藏史館三十年夏四月某日公薨于

京師賜第享年七十有二訃聞帝震悼卽以子慧爲  
持襮引進使是朝謀相葬中山安喜縣堯坊原夫人  
李氏張氏附公凡三娶李氏五路都勸農使壽之女  
張氏順天路達魯花赤老亨之女俱追封定國夫人  
邵氏行軍都元帥信之女封定國太夫人子男三人  
敏忠顯校尉管軍千戶佩金符睿贈承直郎真定路  
總管府判官皆先卒慧累遷集賢學士安豐路總管  
汝適挾西都轉運監使李汝明孫男四人時勉承務  
郎右八作司同提舉時中時學時可朱仕曾孫藝侍

儀舍人公事親孝侍諸弟極友愛凡田廬奴僕在易  
鎮邢諸州者悉推以與諸弟恒懼諸房子孫或蹈非  
義謹述昭毅公遺言以訓教之夫抵謂奉親以孝臨  
喪以哀居官以廉律身以正凡吾子孫當服膺勿失  
苟或不然則告於家廟共擯斥之不以兄弟數至今  
海內稱家法者言趙氏公左右女弟並持公風化入  
世祖初十餘年帝愛之不名嘗遣使秩子山川使者  
陞辭帝曰交格神明殊非易事能若趙侍郎恭謹朕  
實汝嘉

仁宗在位追念臣玩舊臣碑圖徽像置禁中各詢其  
行事臣公則曰是非起潮儀趙某耶詔贈公金紫光  
祿伏法太司徒謚文昭而昭毅公亦贈太保儀同三  
司上柱國謚襄穆俱<sup>追</sup>封定國公復召慧入朝特授  
昭文館大學士中奉大夫侍儀使於是執承昭文公  
命將刻公行事求銘墓碑謹撰次如右謹狀恭定二  
年二月丁卯文林郎翰林國史院典藉官蘇天爵狀  
右前祿大夫樞密副使吳公行狀隨卒<sup>奉</sup>如木  
公諱元珪字君璋姓吳氏世爲燕人曾大父樞隱德

弗耀夫汝霖金年夫長貞祐甲戌扈從其主播汴  
汴潰北歸至廣平家焉父鼎始仕國朝卒官奉政大  
夫燕南河北道提刑按察副使累贈諡德大夫中書  
右丞壽國公謚憲穆妣成氏俱追封壽國夫人  
公資簡重好深沈之思有其次父起家以武憲穆公  
致身以儒凡征謀治法律令章程家庭授受生長見  
聞公皆能知其說至沈十四年冬逆臣以公入見  
帝視其貌非常人也命侍左右以年踰授後衛經歷  
官擢樞密院都事就遷<sub>遷</sub>經歷初諸將之爭宋也攻城

野戰悉有爵賞江南既定樞府奏裁其人京師五衛  
各置指揮使二人副使二人僉事二人千戶以下官  
有差<sub>差</sub>行省萬戶府各置萬戶二人鎮撫以下官有差  
父死子繼兄終弟及均俸祿以優其家給醫藥以起  
其疾設序序以訓其子弟置屯田以廩其士卒山下  
相維大小相制多公所論建也二十六年參議樞密  
院事于時宮城建二十餘年矣繕修之事歲月相繼  
尚書省奏抽軍士萬人付留守司主之公亟陳其亦  
便始立武衛專掌繕理宮城以留守殿禎兼指揮使

凡有興作必支移樞府而後行遂拜樞密院判官會  
邊防用善馬數千正時欲從民貫馬公白恐京師民  
情騷動命六軍無大調度五衛畜馬實多若就用之  
而續其直則事集而民不驚遂從其議有旨軍官多  
後軍士公請奏定其制萬戶用軍士八人千戶四不  
百戶二人自今多後軍士者有罰其千戶葉葛伏  
誅尚書省合于中書與元忠憲王拜右丞相中書六  
曹慎簡僚屬諸以桑葛為官者皆免擢公禮部侍郎  
未幾遷左同郎中時中書徵舊錢穀久不能復丞相

德之公曰此前政之失今當明言其故蜀之丞相以  
開制從其請遂遷參議中書省事大德元年除吏部  
尚書選曹注擬多私其鄉里公言此風不可長既請  
謁者悉皆謝絕物論翕然稱之三拜詔遣使分道詢  
民利病公宣撫燕南劾罷貪吏若干人轉工部尚書  
河朔連年水旱五穀不登公言治國以愛民為本故  
春秋用民勸者必書蓋民力足則生養遂生養遂則  
教化行而風俗美帝嘉其言草木之功稍為之息  
六年出僉河南行中書省事將行拜江浙行省參知

政事初朱清張瑄以財雄江南及來京師編以金幣  
教諸公貴人於是朝廷授之以官而其以階遷寢弗  
可敵制及事敗受課官錄其家具籍所致諸公貴人  
金幣而江浙省臣為尤甚惟公獨無所污武宗嗣服  
之初由僉書樞密院事拜樞密副使詔公及御史中  
丞王壽等議政事于中書若惜民力用人材嚴選舉  
節財用建貢舉課農桑汰冗員賜對贈凡若干事朝  
廷皆舉行之初  
世祖詔發軍士萬人屯田稱海以賢趨海都之後被

俘者衆至是來歸者若干人方其在塗饑寒不能存  
至鬻子以活公具其事以聞詔賜錢贖之得為父子  
如初皇慶初元平拜江浙行省左丞江淮漕臣某言  
江南之民豪富殷庶盖由膏腴之地隱匿者多朝廷  
誠能遣官檢覆當益得田若干萬畝歲收米若干萬  
石公由江南平定幾四十年戶有定籍田有定畝一  
有動搖其害不細爭之月餘不能止即移疾去復拜  
樞密副使同列有忌公者入譖于上出為甘肅行省  
右丞歲餘拜陝西行臺御史中丞未上值西臺罷遂

召入朝會遣使分道詢民利病公奉詔宣撫遼陽諸  
郡使還復拜樞密副使進官榮祿大夫召見嘉禧殿  
溫問再三公奏曰昔之民無不歸之明雖飛去野  
世祖時命軍士限田四百畝以給軍需餘田悉貢賦  
稅令中書臣經理江淮田土第以增多為能加以有  
司頗會其斂俾元元之民困若日甚臣恐變生不測  
非國之福止曰凡爾軍士之田其遵舊制言  
仁宗崩奸臣用事公以年老致仕至治三年奸臣死  
英宗廟勵精圖治獨任袁平忠獻王為右丞相君臣相

契慨然欲復中統至元之盛優詔起公及安陽韓公  
從益大興王公約高議中書省事於是絀姦邪釐弊  
政舉材能興禮樂以稱天子責任之意天天下之民亦  
皆悚然思見其治矣三年秋七月某日公以疾薨于  
位春秋七十有三是年九月某日葬公永年縣陽城  
鄉臨汝鎮西原公居官清慎務持大體體不喜更張所  
至無赫赫譽既去而人見思夫人郭氏李氏皆前卒  
再娶某氏子男曰復奉議大夫太廟署令女適翰林  
待制盧亘著作郎靳泰丞相史忠武王諸孫莊公既

葬之明年復請狀公行事洪惟國家平昔器重公武  
太祖皇帝以子也平定中夏未及應是會也德林  
世祖皇帝以威德混一海內當是時勳勞將帥臣  
爪牙能罷之士咸被器使布列中外以酬其平昔之  
勞富貴其身者可謂至矣然而自昔天下國家必有  
道揆法守而後能有為也故至元以來建中書以統  
百官置樞密以摠軍政官曹既立法度漸脩雖有僥  
倖苟且之人將亦知所做損矣蓋法立則民畏人存  
則政舉孰有任法而不任人者乎凡累朝兵政之源

委當試將帥之材能城郭山川之阨塞邊防屯戍之  
要害生民戶口之蕃息金<sup>幣</sup>錢穀之虛實必有深知  
其要身任其責彌縫持守以成天下之務者矣若吳  
公者豈非其人歟公歷事五朝始終一德每進用則  
士民相慶及其薨也朝野皆為之悲嗚呼古之所謂  
大臣者公庶幾焉謹狀奉定四年冬十月甲子應奉  
翰林院學士直學郎同知制誥兼國史院編修官蘇天  
壽狀

韓力資善大夫太醫院使韓公行狀



韓氏世居真定真定縣韓公麟字國瑞高曾仕金襲  
張汗夫譜已逸其諱考始業醫疾者服藥輒愈天兵  
亂散襄樊士卒需藥者踵門賴者多不取直公幼讀  
父書既長挾其術游京師公卿間名聲籍甚至死已  
丑故禮部尚書許公國禎舉名醫若許收以聞公與  
焉昔意非其人幾何至也此與中國某藥許時  
歸昭視便殿各詢其技所能出示西域異藥使辨其  
為何藥也公食其味獨前對曰此與中國某藥許時  
帝加賞異命為尚醫是時山陰文正公亦出此

帝春沐高秋常不平公典領方藥蒙賜韶表玉帶辛  
卯勅授醫正即御藥局副使明年詔  
皇孫撫軍北邊公從行次野為別  
皇孫疾初愈欲出獵公曰  
殿下是行所係至重今疾新愈不可以風臣受詔調  
護  
殿下有如疾不可為臣死固不足惜奈宗廟社稷何  
皇孫嘉其言而止抑許  
世祖賓天皇孫歸自撫軍即皇帝位是為

成宗公湯階為承直郎遷太醫院副使尋加奉議大夫又遷中順大夫太醫院大使大德辛丑陞太醫院為二品進加議大夫僉書太醫院事帝身即位承至元治平之餘歲時豐登府庫充寔任用者艾遵時成憲既領太德之初天下號為無事退朝之暇優游燕間召公請資治通鑑大學衍義公開陳其言緩而不迫凡正心脩身之要用人出治之方君臣善惡之跡興壞治忽之由皆爛然可睹帝從容咨詢朝夕無倦公不為容悅逢迎每遇事獻納於

帝初御史中丞崔公或言事弊皆公乘間奏曰臣諫天子耳相翰吟皆結舌臣而不敢言是百陰其耳目也何以知天下之善惡乎帝召崔公俾盡所言帝問公當今儒者孰與卿比對曰集賢學士焦養直學為通儒昔事先帝相時講讀非臣所能及也遂召焦公入侍顧問秦州孝子以事覲聞公荐於帝曰孝子果以能官稱公之論建率此類也其他隨

事輔陳中禁事秘外所不聞者不可以縷載也公既  
視知人注恒以謙謹自將所有錫賚輒辭不受帝晚  
節寢疾公言治世莫如愛民養身莫若寡欲帝曰朕  
聞韓某言恍若疾之脫吾<sup>體</sup>也至大中尚書省臣專  
權用事公移病家居除淮安路總管不赴皇慶初元  
除秘書卿明年拜昭文館大學士資善大夫太醫院  
使初  
世祖以本草為未完書命徵天下良醫為書補之公  
承命往以羅天益等七人應詔又署校定聖濟總

錄醫者賴為公事親以孝聞母夫人尤有壽年九十  
餘歲時公帥諸弟上壽搢紳以為榮撫愛諸弟尤為  
養孤子嫁孤女若干人俸餘悉購古書奇畫一室蕭  
然澆若無所欲故事醫者不許封贈  
仁宗特賜公祖季贈昭文館大學士資德大夫上護  
軍常山郡公謚安穆妣馮氏常山郡夫人考天祐贈  
涼祿大夫太司徒柱國趙國公謚康忠妣康氏趙國  
太夫人公享年六十有七延祐六年十一月某日薨  
子位古者天子雖有聰明睿智之資又必慎選直諫

多聞之士置諸左右以參諷議以備顧問是以君德日新治道日隆後世莫能及矣欽惟十有八日景成宗用韓公者其審是道歟帝在位十有八年朝廷清明海宇寧謐公卿稱職年穀豐衍雖帝之聰明守成為弗可及亦惟韓公匡救啓沃之力居多或者獨以醫術論公尚得為知言也哉然歲月既久公之言行寔弗克傳故按其所可知者而論次之望俟史氏採擇謹狀翰林修撰奉議大夫同知制誥兼國史院編修官蘇氏爵狀

元故徵仕贈翰林學士謚文獻杜公行狀  
公諱瑛字文玉霸州信安人也陰陔季祥河朔微擾公辟地河南居緱氏山讀書講學博覽無所不覓時金將亡儒者猶習文辭為進取計公爵祿不入于心刻苦自勵獨探六經百家之旨古今治亂之原晝誦夜思仰觀俯察優游自適金亡轉居汾晉之間授徒為業聲聞漸著故中書粘合珪開府勳德以書幣延公臣則待以賓禮而師焉當國家尊昧之勅法刑寬簡訊賦殺刑罰除授官使州郡皆得專之公從容

萬神書信兵荒之餘百姓窮困甚阻緩刑簿賦以  
遂民性修學養士以興治孔神書從其信民獲綏受  
其賜士子受業者恒以百數至洽相衛洛尚及離公  
之化也歲祀未  
世祖皇帝奉命南伐所經郡邑訪求人材諮謀方略  
道過彰德召公入見問以取宋之策公對曰王者之  
師有征無戰詢者天兵既記滅金又欲平保誕敷聲  
教蓋惟不嗜殺人然後能一天下矧於宋陸闡弱姦  
臣擅國習俗矯靡將梓<sup>驍</sup>匪怯所恃者長江之險國家

應天順人興兵致討選將任能禁暴戢亂<sup>據</sup>南王游  
戎船東下<sup>不</sup>舉而可定也七口<sup>不</sup>計中<sup>不</sup>封  
陸田善<sup>不</sup>十<sup>不</sup>十六<sup>不</sup>  
世祖不繼大統肇新制度詳延海內方聞之士咸登  
諸朝使者至彰德公聞王文統已居相位專言功利  
以固權寵輒引避不見會中書左丞張公文謙宣撫  
大名諸路復奏起公為大名彰德懷孟等路提舉學  
校官亦辭不拜曰風化至是尚欲任乎即杜門謝容  
以修學著書為事所著多明經術之意有春秋地理

原委十卷語孟旁通八卷皇極引用八卷皇極疑事  
四卷極學十卷律曆禮樂雜說三十卷文集十卷公  
儀觀秀偉美鬚髯望之儼然既居彰德因留家焉初  
中書構其貧與田千畝不受術者言公寓居地下當  
有黃金家人欲發地視之公曰金汝所藏耶怪誕之  
言吾弗信也公去後居者果得黃金百斤公之廉正  
類此享年七十以至元十年九月十六日終于家葬  
安陽縣王裕村將終命諸子曰我死棺中第置杜甫  
詩集一編題其誌石云處士杜緱山墓公曾祖信祖

植父時叔母張氏娶孫氏後公九年卒附葬公墓于  
陽三人處思十歲能詩號稱奇童年二十餘而天君  
子惜之處置唯州儒學教授處愿初以臺荐為按察  
司書史累遷濟寧大名路經歷吳橋縣尹終東昌路  
推官皆有惠政女適李某孫男三人白愚為郡文學  
累封奉議大夫樞密院判官驍騎尉安陽縣子曰堅  
曰欽曾孫男七人秉彝秉鈞秉直秉讓秉容秉一秉  
中玄孫二人恒漳公既薨之六十有六年是為天曆  
己巳皇帝開奎章閣詔勅對世大典凡區區所

文宗皇帝開奎章閣詔修經世大典凡國初勲臣故  
老行誨悉登載之東彝方爲丞相東曹掾錄公遺事  
送館曾孫吳山人東彝東直東監東名東一東  
天子覽而嘉之制贈公翰林學士資德大夫上護軍  
追封魏國公謚文獻尋擢東彝奎章曲籤典修大典  
書成遷鑑書博士大今上皇帝御極命儒臣進說經訓又兼經筵譯文官  
未幾拜陝西行臺監察御史人皆美公文字之澤蓋  
未及地東彝將之館關中過家上塚念公墓碑未刻

無以昭朝廷褒卹之典於是近臣以其事聞勅臺臣  
撰書銘文以賜嗚呼昔者國初承金兵絕學之後文  
物凋弊殆盡賴一二儒者掇拾修補於壞爛亡滅之  
餘俾斯文不絕如縷其功詎淺鮮哉天之報施宜在  
後人也天爵向官奎章辱與東彝同時雅好也謹撰  
次公學行論著之大槩以備采擇謹狀元統二年四  
月甲子朝列大夫監察御史蘇天爵狀

其國之於海國也... 其國之於海國也... 其國之於海國也...

自甲午... 自甲午... 自甲午...

其國之於海國也... 其國之於海國也... 其國之於海國也...

其國之於海國也... 其國之於海國也... 其國之於海國也...

其國之於海國也... 其國之於海國也... 其國之於海國也...

其國之於海國也... 其國之於海國也... 其國之於海國也...

其國之於海國也... 其國之於海國也... 其國之於海國也...

其國之於海國也... 其國之於海國也... 其國之於海國也...





